

文苑英華

九百七十一至
九百七十六

文苑英華
漢書

庫文閣内			
函	冊	號	類
10	100	3726	漢書

庫文閣内			
函	冊	號	類
1	100	3726	漢書

内閣文庫			
番號	漢	3726	
冊數	100(98)		
函號	361	53	



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



綴じ部(喉部分)の文字など開きが不鮮明な箇所あり

文苑英華卷第九百七十

墓表一

墓表

淺草文庫

張法曹墓表一首

獨孤秘監墓表一首

權少監墓表二首

呂秘監墓表一首

柳侍御墓表一首

柳明府墓表一首

陸給事墓表一首

河南府法曹參軍張公墓表

獨孤及

有唐逸士具郡張師冲和純粹辯博閑達卓犖好古儻蕩

逸群官不近名唯代耕是媒亦作貞不絕倍以忘機為心

秀才高第起家臨濮縣尉歷尚翊伊闕二縣主簿貞元元

年拜監察御史御史中丞鄭旻集作之擁旄濟江辟為從

文苑英華卷九百七十

吳

事轉河南府法曹參軍凡歷官五政享年五十八志懷樂道終始以之懷臂於壽

集作壽

祿聲利得喪虧盈之間如浮

雲無心野鶴獨立形全神全身與化俱上元二年八月辛

卯終于吳郡私第其孤惟儉惟靜能稟暮訓弱歲皆精在

氏穀梁春秋貌爾在疚零丁何怙季第秘書省正字曰從

申廼茹天倫之哀謀及卜筮以是歲九月二十八日權窆

于虎丘山之西原禮也初公祖捐之隋大業中進士甲科

位至御史尚書水部郎捐之生烈考法

集作法

以碩學麗藻

名動京師亦舉進士自監察御史為會稽令文雅之慶施

於集後昆故擢秀才而衣繡衣者及公三葉君子以為榮

少好學集無此字黃老且脩禪慧晚節傳集作六經微言以遺

三子三聖之學不墜於地君子以為傳集作不羈頑頑傲

世視軒冕纓紱無非二字集作如塵埃必也臨事能斷義形於

色推賢達善不進不止君子以為達當伊川啓戎歷陽為

魚公力窘身陷者至於再涵泳涕洟厲揭橫流而跡無緇

磷憂患不能及君子以為智宜享黃髮而升青雲天乎降

凶殲我仁人嗚呼先王往無返期談藪清風詞林逸韻墨

池真草三事永絕凡今友朋可勝慟集作痛乎恐後代丘壠

將平川澤相失求遺跡者莫知德音之所始乃志之以石

求為靈表

朝散大夫潁川郡長史贈秘書監河南獨孤墓表

前人

公諱某其先劉氏出自漢世祖光武皇帝之裔世祖生沛
獻王輔輔生釐釐生定定生節節生丐丐生長子廣嗣王

位少集作子與仕漢為洛陽令與生穆穆生進伯為度遼

將軍擊匈奴兵少援不至戰敗為單于所獲遷居獨孤山

下生尸利單于加以谷蠡王之位號獨孤部尸利生烏和

烏和生二子長曰去卑為右賢王建安中獻帝自長安東

歸有李催郭汜之亂左賢王率其部衛車駕還洛陽集無

遂徙遷集無許後集後歸國卒次第猛代立生富集作

論富論生路孤路孤生眷眷生羅辰從魏孝文帝遷都洛

陽為司州洛陽人始以獨孤一字集部為氏氏用敷伐賜

爵永安公位征東將軍定州刺史征東生萬齡官至廷尉

祖初從平滑臺以功授散騎常侍歷守冀定相三州時新

定律令慎選廷尉徵公拜焉并世為法官俱以燕平不苛

顯名當時榮之加鎮東將軍薨謚曰文鎮東生歸辯聰而

才又為鎮東薨贈太尉太尉生冀希顏以博學侍講東宮

歷安南將軍定州刺史贈司徒司徒生永業以文武為備

佐齊王集作入洛定鄴鄒督幽洛二州出行臺尚書令并

司徒封臨川郡王語在齊史臨川王生子佳在齊為勁武

將軍在周為儀同三司在隋守懷朔集作鎮握節死

難贈并州刺史并州生義順武德中歷戶集作部侍郎尚

書左丞光祿大夫封洛南郡公生左千牛備身諱元慶公

之祖也千牛生朝散大夫定州長史諱思陳公之爾集作

也二十三葉之德善鍾其仁集作於公公剛方蕪清貞信

弘寬德克集作厚性和與四時氣侔非天下直道不行非先

王之法言未嘗言當出處去就之間非抑與不苟求與朋

友交非同道不苟合至若集無若字守王事臨大節非其正雖

臨以大兵不懼恪德危行居易中立不可得而親不可得

而踈讀書觀忠孝大略不探曠索隱五字集作不索隱曠屬詞止乎

禮義不主集作止詠情性而已太極元年詔舉文可以經邦

國者宣勞使源軋以公充賦時對策者數百人公與榮

陽鄭少微特冠科首起家拜同州郃陽縣尉歲滿授奸時

尉開元十四年玄宗初登封太山注意二千石令長以

下民授公益州温江令公公治縣如治家明不至察威

不至猛去煩苛繳繞之政施德信禮刑以訓齊之温江人

飲公之風化浦者復疫者悅善者勤而不善者知耻益州

刺史張敬忠以狀聞詔授監察御史轉殿中侍御史會權

臣惡直斥去不附已者貶公廬州長史明年惡直者罷位

公稍移武功令未到官病免二十三年除寧州司馬二十

八年遷穎州郡長史初公爲御史嘗以直忤吏部侍郎李

林甫至是林甫當國常欲騁憾於我而五府三署每有高

選群公皆昌言稱公全才且各以滅文竊位自引由是免

咎然十年再選不離郡佐或勸公卑其道可以取容於世

公曰可卑非道也屈伸天也非人也人如予何天寶元年

加朝散大夫二年二月七日寢疾終于位春秋五十七位

不尊壽不遐志不行善不報與集作直虛語守道者相弔

以為痛是歲八月殯于郡東至德二年歲次癸酉按通鑑

作一十月十四日權遷窆于洛陽龍門山西岡大曆四年

五月十二日詔贈祕書監命卿之位錫於身後嗚呼哀哉

夫人河南洛陽人也薛國長孫公覽之玄孫咸陽丞諱頴

集作府君之女右集作金吾將軍諱于哲府君之妹稟天

元和生知孝慈含德之厚與坤體合執筭助祭四十餘載

人莫見夫人喜怒之容躬勤集作順承動合集作禮經宗

族以睦長幼以叙無言無為化成于家公之加命服也夫

人封雍集作丘縣君汜等既孤夫人棄采蘋之度修釋氏

教授正觀法于長者比丘尼長老比丘上方服勤一年

得四念處三昧視去諸結猶棄涕唾至德二年隨子東征

明年歲在甲戌集作七月二集作十四日終于會稽享年

六十有四八月某日權殯于雷門之南泥巨及正等遭天

不弔無怙無恃以世故坎壈不克遷祔者十一年矣欲報

顧復天胡有極今年問宅兆于前都水使者張係係卜其

泉東伊水西其泉鄉之原吉謹以歲次己酉秋七月壬午

遷公夫人靈坐合安厝于此原猶懼人世陵谷集作陵之

不我期也故不敢不志集作血勒石以遺後嗣

著作即贈祕書少監權君墓表 李華

君姓權氏諱臯字士繇天水人符秦尚書僕射之後世為

著姓祖某某官父某某官咸有令德君既冠進士及第試

臨清尉時節將三字節浙本兼本道使籍君高名表為薊

縣尉充判官無何主將以逆節露君乃詐死使一作親涉

江既免禍累知幾其神先帝聞而歎之除評事御史方議

大用屬太夫人病危將侍奉憂勞因中痼疾無何太夫人

終君泣血三年厥疾用加外一作除遷起居舍人著作郎

大曆元年四月某日不幸逝于丹徒因殯馬亭齡四十二

嗚呼識者慟哭聞者痛心君有大節不可奪大名不可掩

大才不可及大行不可名天與之仁不與之年哀哉自開

元天寶以來高名下位華方疾不能備舉然所憶者曰河

南元君德秀元終十年而南陽張君有畧張沒二年而

天君元是之志如其道德張之行如其經術君之才如其

聲望其人淪其瘁乎六字一作公素與昌黎韓愈深京兆

王鎮卿洎華友善韓評君曰可以為宰輔王評君曰可以

為師保華評君曰可以分天下之善惡一人而已矣夫人

隴西李氏仁賢有一子某生七年矣哀禮成人嗚呼有後

哉朝廷贈君以祕書少監悼賢也華因病風扶曳浙本文

杖而往哭之嘗聞師乙之言温良而能斷者宜歎齊權君

可為一作温良而能斷者也故為齊風表君之墓云

忠於其一作國孝於其一作家潔而不滓瑜而不瑕仁胡

不壽為善者何君不幸耶時不幸耶

外王父贈祕書少監東平吳公神道表銘 梁肅

公之先出自姜姓太公之胤也唐虞之際佐治洪水有功
以能為禹股肱心膂命曰有呂氏洎太公誓蒼雉集作平

商牧桓公責包茅匡周道傳國七百列于春秋漢興以勲

戚在侯服者二十人臨泗侯之孫通封于東平其後國除

為郡著族元魏末有汶陽公思禮者扶翼周文開霸關右

歷行臺石丞兵部尚書時魏分為西東中夏擁隔遂居于

河東今為蒲人也從尚書四葉生雖皇朝晉陽令贈郴州

刺史郴州之嗣曰仁誨以文學稱以從父兄太一俱用射

策科太一歷御史尚書郎中書舍人戶部侍郎右庶子仁

誨由成王文學轉岐王府屬累遷右庶子金吾中郎將資

用刺史除許州未拜而薨以集無此孝行聞仕至太僕丞

加朝散大夫太僕生公公諱某字某少淳茂有志行居太

僕府君憂泣血三年鄉黨稱之制終治古文尚書左氏春

秋二十舉孝廉補博昌主簿歷任營丘文安二丞宣勞使

以清白薦試守洛水令公為政務仁恕去苛察密化旁流

邑中移風再歲正除加朝散大夫公性簡退不以善自名

且不樂為吏秩未滿移疾罷去居于濟源王屋山之陽常

言君子之道不從倍不離群幼安抗跡而傲世慈明濡足

以救民曷若中行以全吾真由是逍遙樂道以漆園鶡冠

之言為師時閱歷代史究興敗治亂之端叅以立身行道

之義著書十餘卷集作號續呂氏春秋草藁未就屬寢疾

捐館享年若干時開光二十五年也末泰中嗣子某位朝

散大夫右贊善兼陳州刺史尋遷檢校秘書少監兼徐州
別駕因詣闕拜章乞廻所授賜命于先人詔追贈公太子
中允謝恩之際又以公所著書上聞遂改贈秘書少監後
十有三載歲在某辰某月日龜著襲吉始安宅于某鄉里
之原江夏郡夫人黃氏祔焉夫人漢太尉琬之裔孫皇朝
大將軍淮州都督虢國公君漢之孫沂王府長史虢國公
承源之女洪州刺史京兆常同之甥有溫仁孝愛之德勸
義垂訓之美後公七歲而終公之追命于是有江夏之贈
嗣子秘書痛先君先夫人厭世寢遠音微將昧常欽立貞
石傳德風蓄誠未申先是祖謝小子拜拜受命於太夫人
且成伯舅集作之志恭論外祖之烈以示後嗣楊惲傳太
史之書久慙庸陋韓康感中軍之愛空想生平道道字集
在茲乎集作以表墓文曰

赫赫有呂肇發于姜既協大禹亦亮武王營丘門地東平
傳嗣書之勲册集作尚有焯名位中郎伯仲允迪斯集作
貴寔生秘書含道蘊粹仁爲已任孝亦天至論經漸作八
覽文叅六義三邑之佐清恭廉貞鳴絃作宰休有清聲退
謀於道爰晦其明體順集作保和遺榮集作入冥春闈中
名蓬山二職運往時來退榮隱德集作振彼集作江夏光
敷內則不及象服空垂燕翼太行之右清濟之北外孫紀
辭以志兆域

殿中侍御史柳公墓表

柳宗元

唐貞元十二年十二月庚寅葬我殿中侍御史河東柳公

於萬年縣之少陵原公諱某字某邑居於虞鄉曾王父某

官王父某官皇考某官奕世餘慶叢而未給濟德流祉其

後宜大秀而不實為善者感嗚呼哀哉惟公敦柔峻清恪

慎端莊進止威儀動有恒常一作英風超倫孤厲貞方居

室孝弟與人信讓當職強毅遊刃立斲自少耽學頗工為

文既窮日力又繼以夜鄉里擇推敦迫上道乃與計偕來

遊京師親集作藝靈臺貢文有司射策合程遂冠首朴休

有令問群士羨慕居數年授河南府文學教勵生徒選擇

賢士儒黨相賀庶人觀禮秩滿渭北節度延為參佐繼齊

軍政甚獲能稱加太常寺協律郎既喪主帥罷歸於室方

將脫遺紛埃退與道俱冲漠保神後柔肆儒四方聞風交

馳鵠書載筆乘輅乃作叅謀出入於方陪佐戎車遷大理

評事又加章綬朱裳銀印宗黨有權權略密勿潛機理集

埋照完彼亭堡時其講教實從我謀鄰國是働改度支判

官轉大理寺司直出納府庫頒給軍食下無橫歛黔首休

息月校歲會莫不如畫軍集作豐財羨制成計得又遷殿

中侍御史度支營田副使分閩之寄叅制其半柔以仁撫

剛以義斷戎臣坐嘯公堂無事朝端延首方待以位既而

祿不及伐水政不獲專達以其年正月九日遇疾終于集

於私館享年五十嗚呼痛哉奔躐騁力中途踈足高鴻輕

舉在雲墜翼凡我所知哀痛無極本道節度尚書朔寧王

張公震悼涕慕不任于懷臨遣牙將試殿中監李輔忠監
備凶禮賙賻甚厚行軍司馬侍御史常中規等匍匐救助
事用無闕丹旒素車歸于上京撰期定宅莫有慙素故友
諸生宗人外姻號慟會葬哀禮咸申克窆玄堂掩坎廣輪
顧眄無依徘徊增戶廡勒休聲延垂後賢於是汝南月君
集作相巢等相與琢石書德用圖不朽文曰
抱元淳稟粹和既強毅又柔嘉登儀曹耀文章司學徒儒
風揚自渭北來朔方戎政閑黔首康寇惠文垂朱裳才不
施天茫茫刊樂石篆遺芳集作延休烈垂憲則於萬年長
無極

弘農令柳府君墳前石表辭

前人

弘農柳氏之大墓唐貞元十九年某月日孤某奉其先
府君洎夫人之喪祔于其位由新墓而舊若干步曰高祖
王父蘭州府君諱某字某之墓又東若干步曰曾祖王父
鄭州府君諱某之墓西若干步曰祖王父司議郎府君諱
某之墓咸異兆而相望祐穆之有位序壤樹之有豐殺皆
如律令府君諱曰集無曰某字曰某由父任為太廟齊郎
更許昌陽武伊闕華原尉王屋丞汝陰令為弘農二年推
其誠格于其人闢土生穀若有天相之道衣食給足故人
不札天教厲明且故信不爭奪遂以洽于太和事理克彰
刺史盧杞加禮褒旌考績絕尤推君之政屬于下邑命為
吏部尚書郎庾河南授命黜陟狀君理績殊異宜升天朝

帝有歎焉方圖優異命用不長年五十五建中二年某月
日卒于官以其素廉家之蓄不足以充凶事遂殯于是邑
仍會危難至于今乃克返葬孤某常為黔州錄事參軍今
無祿仕而集有志字不敢緩初君娶司農少卿京兆常山之子
集作孫涇陽主簿廻智之女德容溫良大曆二年某月日卒
于越而假葬焉孤某徒行自越舉天人之喪至於號舉弘
農君之喪咸至於墓窆焉既窆立石表於壙集作墳前示後
之人以無忘孝敬嗚呼世有難仕于外而葬其族者希矣
孝子之心有待駟馬五鼎而卒不至者焉若今之殺衣黜
食寒妻子饑僕御終身由之而志益不懈為旅人徒跣萬
里以厄困終事孝之難者歟五集作而慕者舜也祿三集作
子集作而悲者魯子也聖集作且賢難之若是今之人有由其道
者待不立於世乎

給事中皇太子侍讀陸文通先生墓表 前人

孔子作春秋千五百年以名為傳者五家今用其三焉秉
觚牘焦思慮以為論註集作說者百千人矣攻訐狠怒以辭
氣相擊排肩沒者其為事集作則充棟宇出則汗牛馬或合
而隱或乖而顯後之學者集作窮老盡氣左視右顧莫得而本
則專其所學以訾其所異集作黨枯竹護朽骨以至於父子反
集作夷君臣詆悖者前世多有之甚矣聖人之難知也有
吾郡人陸先王質與其師友天水啖助洎趙匡能知聖人
之旨故春秋之言及是而光明使庸人小童皆可積學以

入聖人之道傳聖人之教是其德豈不侈大矣哉先生字
 某既讀書得制作之本而獲其師友於是合今古散同異
 聯之以言累之以文蓋講道者二十年書而志之者十餘
 年其事大備為春秋集註十篇辯疑七篇微旨二篇明章
 大中發露公器其道以生人為主以堯舜為的苞羅旁魄
 膠轄下上而不出於正其法以文武為首以周公為翼楫
 讓升降好惡喜怒而不過乎物既成以授世之聰明之士
 使陳而明之故其書出焉而先生為巨儒用是為天子爭
 臣尚書郎國子博士給事中皇太子侍讀皆得其道刺二

州守一本無人知仁一本作化未貞年侍東宮言其所學為古

君臣圖以獻而道達乎上是歲嗣天子踐祚而理尊優師

于某郡某里嗚呼先生道之存也以書不及施於政道之
 行也以言不及繩集作視其理門人世儒是以增痛勤將葬

以先生為能文聖人之書通于後世遂相與謚曰文通後
 先生集作先生後若干祀有學其書者過其墓哀其道之所由

乃作石以表謁一本無謁字

文苑英華卷第九百七十

文苑英華卷第九百七十一

行狀一

行狀

中書令汾陰公薛振行狀一首

左武衛將軍成安子崔獻行狀一首

常州刺史平原郡開國公行狀一首

中書令汾陰公薛振行狀

楊炯

高祖德魏給事中黃門侍郎御史中尉散騎常侍直閣輔
 國二將軍齊州刺史贈車騎將軍儀同三司華州刺史謚
 曰簡懿曾祖孝通魏中書黃門二侍郎銀青光祿大夫散
 騎常侍關西道大行臺右丞常山太守汾陰侯贈車騎將
 軍儀同三司齊鄭二州刺史祖道衡齊中書黃門二侍郎

隋吏部內史二侍郎上開府儀同三司陵平潘襄四州刺
史襄州總管司隸大夫皇朝贈上開府臨河縣開國公父
收皇朝上開府兼陝東道大行臺金部郎中天策上將軍
府記室參軍文學館學士上柱國汾陰縣開國男贈定州
刺史太常寺卿謚曰獻河東郡汾陰縣薛振年六十二字
元超狀昔者唐堯之協和萬邦也有若四嶽之敬順昊天
曆象日月虞舜之慎徽五典也有若八元之忠肅恭懿宣
慈惠和夏禹之分別九州也有若咎繇之謨明弼諧允迪
厥德殷湯之南征北怨也有若伊尹之格于皇天姬文之
受命作周也有若虢叔之聞于上帝自唐虞而列考及秦
漢而無譏元首必藉於股肱方隆太平之化賢者以待於
聖業若夫駟駕六龍驅馳七聖樹酌元氣
賦成天道者其惟聖人乎弘闡大猷發揮神化匡正八極
阜成兆人其惟良宰乎我大唐之建國也粵若神堯明揚
側陋文王叶于朕卜迎太公於渭水高宗求于朕夢得良
弼於傅巖若歲大旱以為霖雨若濟巨川以為舟楫者也
公含天地之間氣依日月之末光能備九德兼資百行探
賸索隱極深研幾韶齡集作之際羞言霸道詞賦之間已
成王佐年六歲襲爵汾陰男十一太宗召見勅弘文館讀
書十六為神堯皇帝挽卽十九尚和靜縣主高宗升集作
儲之日也勅公為太子通事舍人二十二除太子舍人高
宗踐位詔遷朝散大夫守給事中年二十六尋拜中書舍

人弘文館學士三十二丁太夫人憂去職起爲黃門侍郎
固辭不許脩東殿新書畢進爵爲侯公毀瘠過禮多不視
事出爲饒州刺史上夢公徵爲右成集有武字務四十復爲東
臺侍郎是歲也

放李義府于邛笮舊制流人禁乘馬公爲之言左遷簡州
刺史歲餘上官儀伏誅坐詞翰集作翰墨往來徙居越雋五十

三赦還拜正諫大夫五十四遷中書侍郎尋同中書門下
三品兼檢太子左庶子五十九遷中書令車駕幸洛陽詔

公兼戶部尚書與皇太子居守俄以風疾不視事高宗崩
輿疾往神都抗表辭位至於再至於三詔加金紫光祿大

夫仍聽致仕以光宅元年季冬旁死魄薨於洛陽豐財里
之穆第嗚呼哀哉公地藉膏腴姻連戚里鼎湖長往非州

子而爲郎金榜洞開徵列集作封侯而尚主遂乃彈冠筮仕

策名委質叩天門於畫闕攀鳳翼於紫林集作宸凡升右轄

者一年居外臺集作轄者兩部集作月四遷門下三入中書月

能燮理我陰陽經緯我天地益梅我寶鼎梁一作棟我宸

極理百官而察萬人平邦國而和上下借如風后天老左

右軒皇蕭何曹參謀猷漢室未有一心事主四十餘年參

兩宮而出入歷三臺而陟降合其道也大壑縱其鯤鵬遇

其時也名山出其雲雨功成輔弼德邁幾深星象不憊方

踐中台之位山川並走竟遊東岱之魂天不憖遺民將安

仰越翼日詔贈光祿大夫使持節都督秦成武渭四州諸

軍事秦州刺史餘如故賜物四百段米粟四百石東園秘
 器凶事給儀仗至墓所往還司賓卿監護璽書弟祭別降
 中使賜歛衣一襲雜物百段又詔陪葬乾陵依故事也公
 襲封之年也受左傳於同郡韓文汪至天王狩河陽乃廢
 書而嘆曰周朝豈無良相何得以臣召君文汪異焉神堯
 皇帝婕妤河東郡夫人公之姪也每侍高祖集作宗詞翰高
 祖集作宗嘗顧曰不見婕妤經數日便謂社稷不安其見重
 如此上幸溫泉射猛獸公奏疏極諫上深納焉後因閑居
 謂公曰我昔在春宮與卿俱少壯光陰倏忽已三十年往
 日賢集作忠臣良將索然俱盡我與卿白首相見卿歷觀書
 傳君臣共終白首者幾人我觀卿大憐我我亦記卿深公

幸天皇帝任之以股肱誓期殺身報國致一人於堯舜伏願
 天皇遵黃老之術養生衛壽則天下幸甚賜金二百鎰公
 有事君之節也不亦忠乎每讀孝子忠臣傳未嘗不慷慨
 流涕以為帝舜非孝子朱虛集作雲非忠臣客有譏之者公
 曰寧有揚君父之過而稱忠孝哉大夫人薨公每哭嘔血
 杖而後起上見公柴毀泣曰朕遂不識卿卿事朕君父一
 致遂至於滅性可謂孝乎中書省有一磐石隋內史府君
 常踞而草詔及公揮翰躍鱗每見此石未嘗不泫然流涕
 公有至性集作立身之道也不亦孝乎其年脩晉史筆削之美
 為當時最孝敬崩詔公為哀冊上集有行字幸九成宮勅皇太

子赴行在所置酒別殿享王公以下時太子英王侍皇帝

酒酒酣集英王皇帝作太子侍酒耳是公獻壽曰天皇合易象乾將三男

震坎艮今日是也上大悅百官舞蹈稱萬歲賜雜物百段

銀鏤鍾一枚吐蕃不庭詔英王為元帥惣戎西討公賦西

征詩一首上稱善嗟嘆者久之因代英王集作公屬和御筆

繕寫朝以為榮公有屬詞之美也不亦文乎黃門侍郎上

疏薦高智周任希古郭正一王義方顧徹集作澹孟利貞等

後皆有重名歷登清貫及兼左庶子又表鄭祖玄沈伯儀

賀凱集作巖鄧玄捷集作是顏強學崔融等十人為學士天下

服其知人公為右成務獻封禪書及平夷策上深納焉咸

有抵罪者同類數百經赦令獄官評經集作連年不決竟以

公上疏陳其濫詔百寮廷議獄官及諸宰臣未有所

公酬對如響衆咸服焉上歎息曰幾令我殺無辜之人

百寮莫不震懼後集作又上疏陳請備塞垣未幾而匈奴背

誕公有神通之鑒也不亦明乎儀表魁傑鬢眉若畫身長

七尺四寸望之儼然喜愠不形於色雖至於近習左右胥

徒僕妾莫不待之以禮公有行已之方也不亦恭乎在集

收饒州六年以仁明馭下鄱陽北岡上忽生芝草一株郡

人以為善政所感共起一舍號曰芝亭因立碑頌德公有

馭人之術也不亦惠乎在邛都十餘載沉研易象韋編三

絕賤詩縱酒以樂當年有醉後集三卷行於世集作代公有

安和集作排之德也不亦康乎上初覽萬機公上疏論社稷

安危君臣得失上大驚即日召見不覺膝之前席歎曰覽
 卿疏若暗室而照天光臨明鏡而覩萬象此後寵遇日隆
 每軍國大事必參謀帷幄在中書獨掌機務者五年出納
 帝命口占數百上曰使卿長在中書一夔足矣大駕東巡
 詔公驂乘上曰朕之留卿若去一目若斷一臂關西事重
 一以委卿因賜物百段公有社稷之勲也不亦重集作乎
 若夫有官功者賜其官矣有大行者受其大名公叔列國
 之陪臣猶安社稷黔婁匹夫之介節不忘仁義古今以為
 通訓書籍以為美談况乎輔佐明主集作君寧濟天下生死
 無二始終若一業高於六相道貫於五臣其生也榮同心
 此於周邵其死也哀陪集作契均於集作衛霍豈使易名之也
 不集作於會同賜謚之文不傳於終古門生故吏願述德音
 情士禮官佇聞清議是則繇鍾之策降於皇魏之年王導
 之疏寢於中興之日謹狀垂拱元年四月四日故中書令
 汾陽公府功曹姓名謹狀二字集作上文昌臺考功竊聞生為
 貴臣車服昭其令德死而不朽謚號光其大名今謹按故
 府主中書令汾陰公贈秦州都督薛元超以王佐之才逢
 太平之會集作運撫綏萬國康濟兆人力牧輔軒皇未為盡
 善臯陶佐大禹猶有慚德名遂身退生榮死哀羽父之請
 魯君抑惟舊典衛侯之謚文子庶幾前列謹上

左武衛將軍成安子崔獻行狀 前人

祖弘壽隋獲嘉樂縣開國侯父萬善皇朝左監門將軍持

文苑英華

卷

卷

節隆州諸軍事守隆州刺史

按唐世系表弘壽左監軍上

護軍安縣開國男謚曰信郡縣鄉里崔獻

獻字表

年六十

亡夫推其天命南端上將之文考其地靈北極崆峒之武

厭次有東方曼倩卓

集作早

達於孫吳瑯琊有諸葛孔明深

期於管樂貞觀九年起家太穆皇后挽卽十六年授營州

都督府參軍事燕齊遼遠所以分置營州天子命我以參

卿軍事太宗文武聖皇帝把金鉞動璇璣發四方

集作之西上

人爰整其旅問東夷之罪恭行天罰公自家刑國資父事

君樂王粲之神武棄班超之筆硯一鼓作氣方輕肉食之

謀七旬舞干始受昌言之拜二十三年遷除王府西閣祭

酒梁王武者漢皇之少子廣東苑屬平臺則司馬相如所

以賦其詞賦陳思王植者魏國之天人遊西園擁飛蓋則

邯鄲子淑所以為其賓友永徽六年授晉州司士龍朔三

年遷岐州司戶剪桐垂棘珪璧相輝紫鳳寶鷄休祥狎至

從乾值巽之風土被山帶河之國邑邦君坐嘯方推太守

之名鄰國從遊始屈陪臣之禮尋丁外憂三年泣血一慟

能使禽獸莫觸其松栢神仙每留其玉石春秋忽變有君

子之終身金革不辭達賢人之俯就麟德元年有詔起公

為左威衛脩仁府左果毅都尉仍命羽林軍長上乘輿歷

日月步山川詳益地之圖書聽干雲之律呂長城十角盡

入隄封高闕三襲並為州縣於是九姓抗表請築安北府

城詔公馳驛許以便宜從事則榮奉中旨計日期還親降

鑾輿待於故都樓上雖復東西萬里張傳望之尋河裝橐
 千金陸大夫之使越猶未聞降星躔迴帝車擬於陶侃扣
 天門之八襲方於魯陽留白日於三舍若夫類上帝偏群
 神則孔宣父之所刊者五年一狩登泰山禪梁甫則管夷
 吾之所識者十有二君秦皇致風雨之迷魏后積貂羊之
 耻夫名山之所望非我后而誰哉是以馭蒼龍控玉集作翠
 鳳陰陽不測發揮於作樂之文天地無私揖讓於升中之
 禮公受陪祠汶上庖蹕梁陰列藩衛於環星受嘉名於捧
 日與夫茂陵之下獨留符命之書河洛之間不覩漢家之
 事豈同年而語也朝鮮舊壤歌集作歌箕子之風謠斗骨危

成屬何孫之背誕地惟孤竹不聞謙讓之名親則同株曾

急難之意特進全唐書男生以蕭牆構孽草力滋欲

去危而就安思轉禍而為福請歸有道所向集作使者相望天

皇慙一物之推清詔公於國城內迎接先之以造化之大

示之以雷霆之威受其壁焚其櫬更徵侍子來朝京闕亦

猶鄙生憑軾入齊國而下其城賈誼上書伏匈奴而答其

背乾元元年詔遷遊騎將軍左威衛義陽府折衝都尉仍

加上柱國右羽林軍長上如故是歲也太子太師英國公

登壇以集作而拜鑿門而出紫泥明詔不入於三軍之中黃

石奇兵自行於九天之外山林為室不能有藩籬之險魚

鼈成橋不能有逃亡之路詔公出使預參帷幄進奇策納

嘉謀攘無臂而執無兵戰必勝而攻必取斬大風之翼霧

卷青丘卧長鯨之鱗煙銷碧海二年以平夷功詔除定遠

將軍右武衛中郎將檢校左羽林軍總章二年詔遷宣威

將軍守左武衛將軍校右羽林集無此句襲封成安男咸亨

二年進爵為子尋奉別勅檢校右羽林軍餘如故太夫人

以桑榆晚節霧露沉痾減年歲之扶危受皇天之集作星辰而

賜藥屢陳表疏方請告歸頻降絲綸未蒙優許則知忠臣

奉上多從孝子之門受命臨戎始見忘家之事潘安仁之

豈弟始奉輕軒張景胤之純深終悲畫扇儀鳳三年以內

憂解職尋降詔起復本官四年加雲麾將軍正除左武衛

將軍檢校右羽林軍如故王人奪服纔聞趙熹之喪明主

相憂獨訝何曾之毀且割哀而從禮將以義而斷恩受軍

塞長城遂聞胡馬匈奴未滅霍去病是集作所以辭家大子

動容周亞夫於馬不拜調露元年詔公龍門鎮守兼於夏

州防捍飲水受命倍道兼行鞍甲成勞晦明為疾重書降

下集作問即日追還中使接跡於家庭尚藥綢繆於錫賚人

生詎幾神道何知仰觀於天值三軍之星落俯察於地逢

五將之山崩詔書來北斗之門圖像在南宮之壁以三年

秋七月薨於紫柱宮右羽林軍之官第詔賜御食并錦被

一張常服一襲雜采百五十段贈物一百段粟一百石

書弔贈禮越常班喪葬集作用所資數優恒典琳琅觸目日

月在懷陶謙則彪引螭旗賈逵則常陳部伍闔門有德

若友朋事君無隱心如鐵石至如出車授鉞東征西討
虜向背則雖女子之衆可以當於丈夫前後折旋則雖婦
人之兵可以陷於湯火免起而鳧舉龍騰而鳳飛無戰不
平無城不尅有如馮異羞言大樹之功宛或集作似受黃金之賞太平之事業行矣人主之恩榮備矣山河之
寵久預同盟社稷之臣俄悲輟祭聖君興悼憚列辟相趨
覩高屋而歡良弓聞鼓擊而思將帥宏圖秘畧實無得而
稱焉追遠飾終請有易其名者謹狀永隆二年正月十二
日故左武衛將軍成安子府功曹某上尚書省考功名也
者功之表也謚也者行之跡也公叔文子魯辱四隣之矣
黔婁先生有餘天下之貴謹按故府主左武衛將軍上柱

臣成安子崔獻誕靈辰昴降德山河漢陽聞忠許有良平

之策穎川徐庶知其管樂之才生覩太平仕逢明主秋風
銮鼓有司馬之論兵吉日壇塲有將軍之拜職任重而道
遠功成而退奄息百夫之特彼蒼者天相如千載之人
猶有氣象集作生珠襦玉匣禮備於喪終筮短龜長事集
舊從於先見集作遠功名之道蓋取之於舊儀累德之文敢
一作希望集作之於執事謹狀

常州刺史平原郡開國公行狀 王勃

某州縣洪飈未翔靈鳳垂翼景雲不燭神龍宛頸豈非時
不可以苟遇道不可以虜行聖人作而萬物覩神功資而
百寶用集作興是以山川劍徙太階懷息亂之臣天地擣華

文苑英華 卷一百一十五

疑雜元首佇康時之具則有得其數者於平原公見之矣

自星虹杳社開寶曆於軒圖雷電窈冥載休徽疑作於魯

識龍驤鳳起霸公存玉壘之雲紫蓋黃旗疑作王迹著金

陵之野故得卿才表秀疊彩駢蹤皂蓋朱幡連州北郡公

侯必復子孫承百代之基餘慶不忘仁義應千齡之運公

昂門疏照穴岫翔輝分嶽秀於樊侯稟辰精於傳說折旋

儒館以六藝為笙簧軒翥翰林用兩京為鼓吹經邦化俗

涉游夏之門庭減寵麾兵得孫吳之闔奧一作皇天眷命

聖武膺圖觀物懷人思功去罪寰中有事曹參希執帛之

榮閫外多虞周縹企中軍一作之寵見危授命藏器及時

擊鳳羽於九霄候龍顏一作於千里蕭王內寢頻獻雅誠

王統軍皇基肇闢天步猶難宸宸應上相之榮仙夢受中

權之寄被廬講將實頓宏圖今日僉謀光應時望干時弄

兵竊舉猶勤甲冑吞沙餌石尚阻河梁公制變以奇盪除

以殺七擒三捷之畧緒著棘門拔旗穿札之能勲在盟府

五年六月加上往國隨班列也剪桐疏爵分茅建社下斷

物土上格星躔唐虞著其升降周漢明其損益所以羽儀

帝室蕃衛王畿懲惡勸善庸賢叙德高祖勲逾黜夏業擅

戮黎置酒醴於南宮揚旌旆於東府建皇帝之號安不忘

危覽徹侯之籍榮而思報以公乃誠匪懈原始要終望嚴

雪而識寒松觀疾風而知勁草九年封望都縣男貞觀元

文苑英華 卷一百一十五

七

年改封縣侯文貌禁旅實著趨雄清道啓行允茲多士自
非譽高朝諷價重人謚仍虧博望之儀必亂鈞陳之選公

早陪戎律夙簡帝心揚歷二宮當仁不讓授左衛中郎俄

遷右虞侯率葱山狄壤一作種蒲海蠻陬信要服之外區乃

匈奴之右地境隣虵澤乘勁席疑而鷗騰郡邇酒泉侯霄

塵而鷄視天子乃停旒側瞻疑負宸晨驚振洪策於古今

溢嚴勲於覆載將使八紘昭泰銀臺應益地之圖九縣平

夷瑤水流尋仙之駕貞觀某年授高昌道行營總管公道

疑三畧功標五才逸氣縱橫雄精貫月象物而動鼓擊肅

戰士之容推信而行歌舞表將軍之德裹糧坐甲輕死等

於鴻毛投袂衝冠重義均於熊掌鑒空歸惠荒度來賓疑

前書之前蹤復張騫之故事廟堂頌德魏闕曠庸光贊六

條非公莫可某年授某州刺史尋以江淹粵域衡霍名區

楚情剽狡吳風澆競火耕水耨郡闕嫠女之精竦劔危冠

人尋縛諸之弊分宣演化疑理切於宸襟易俗遷訛行吟

佇於人望真觀某年遷睦州刺史政刑不匿考績連最俄

授使持節松州都督令上釣臺嗣歷鼎邑疑圖百城勞晉

武之心千里楊漢宣之詔聖書加秩緝禮請藩綸煥增班

事高恒典永徽中改沙州刺史屬鼇山亂德鴻水稽誅扶

桑落日之濱妖朋蟻結孤竹尋雲之際華黨蜂騰百濟遺

黎託懸巢而斬氣三韓別種附危幕而遊魂王帳蒐兵佇

責苞茅之貢金壇令律將收楛矢之琛龍朔年中授公能

津道初管公昔從幕府早廁戎行覽兵法於軒轅受陰陽
於呂望三門五壘壘得破敵之奇謀大艦雲梯惣行軍之
妙法故得戰無全陣野靡堅城撻金將躍馬暫臨街壁與
羣羊相繼豈惟秋方息亂遙聞定遠之名春谷投心遐憑
疑作度遼之策若斯而已矣及三軍獻捷諸將論功余嘉
乃勲作鎮炎野授公廣州都督改封平涼公以途鄰北戶
地接南池珠崖魑魅之鄉桐柱貪殘之境累藩斯寄歷任
稱難於是受以春風臨以夏日明冠婚於縣邑布庠塾於
閭閻雍本誅強姦豪屏氣棠陰察獄惇獨申哀理龔遂之
亂繩解虞卿之錯節黃霸得循良之譽績未銜於邊城陳
湯有方面之勲位不登於刺舉兼方具美其式茲乎朝廷
以公屢參伯牧駿歷班條吏不忍欺人無芥怨伏情馭極
留連穆野之童託義訓叱惆悵耶溪之老雖有黃槐紫棘
無以易堯盛獄名都猶聞借寇麟德元年改授金紫光祿
大夫常州刺史既而天機忽爽大漸彌晉王白徒烈金黃
難化一作白王徒台階側席方膺雉冕之尊王女停機逢
俄鵠衣之變以某年某月日春秋若干薨于公舍嗚呼哀
哉惟公間氣呈姿靈和叶慶鳳鳴千仞鵬搏萬里情關峻
遠得意於衆妙之門性宇沉凝忘筌於毀譽之境因心以
至孝悌表於鄉閭臨義而行祿賜均於宗族故得虬驟一作
釀夔屈服冕乘軒臨涕一作於締構之辰游梁於駭亂之
際章清霧闢曳鴟尾而晨趨甲館煙開奉髦頭而夜警鳴

輦出塞進李牧之奇誠露冕巡方受蘇章之直筆方當獻
納黃屋揖拜青墀入東寺而掌壺處南臺而曳履不謂藏
舟夜涉負杖朝興丹丘之化未尋玄扃之痛俄及故怨深
徹樂悲纏罷市者乎謹狀

晉書 卷九百七十二
行狀二

行狀

兵部尚書代國公郭震行狀一首

尚書祠部員外郎贈陝州刺史裴稹行狀一首

常州刺史獨孤及行狀一首

兵部尚書國公贈少保郭公行狀 張說

公名震字元振本太原陽曲人也大父任相州湯陰令因
居于魏公少僮廓落有大志儀冠雄傑身長七尺美鬚
髯十六入大學與薛稷趙彥昭同業時有家僕至寄錢四
百千以為學糧忽有一人縲服叩門云五世未葬棺柩各
在一方今欲齊舉大事苦乏資用聞君家信至頗能相濟

否不問姓名以車載去一無所留深為趙薛所誚公怡然

曰濟彼大事亦何誚焉十八擢進士第其年判入高等時

輩皆以校書正字為榮公獨請外官授梓州通泉尉至縣

落拓不拘小節嘗鑄錢掠良人財以濟四方海內同聲合

氣有至千萬者則天聞其名驛徵引見語至夜甚奇之問

蜀川之跡對而不隱令錄舊文乃上古劔歌其詞曰君不

見昆吾鐵冶飛炎煙紅光紫氣俱赫然良工煅煉凡幾日

文粹壽鑄得寶劔名龍泉龍泉顏色如霜雪良工咨嗟嘆

奇絕琉璃玉匣吐蓮花錯鏤金環生明月正逢天下無風

塵幸止文粹用防君子身精光黯黯青蛇色文章片片綠

文粹非直結交遊俠子亦曾親近英雄人那知文粹作中

夜夜氣衝天則天覽而佳之令寫數十本遍賜學一作士

李嶠閭朝隱等遂授右武衛胄曹右控鶴內供奉尋遷奉

宸監丞屬吐蕃請和親令報命至境上與贊普相見宣國

威命責其翻覆長揖不拜瞋目視之贊普曰漢使多矣無

如公之誠信遠近疆界立談悉定因遺金數十斤而還公

悉以進上奏言揣彼上下之情人倦其隸役久矣咸願早

和大將論欽陵不爭四鎮獨不欲耳但國家每歲不絕其

使而欽陵常不稟命自然彼落唐書之人怨欽陵日深望

國恩日甚設欲廣舉兵徒難矣斯乃公間之微旨也必可

使其上下俱懷猜阻矣則天甚然之無何吐蕃君臣果相

疑貳遂誅欽陵第贅婆及其兄子莽布支並來降公聲名
籍甚授御史加朝散大夫遷主客郎中吐蕃與突厥連和
大入西河破數十城圍逼涼州節度出城戰歿蹂禾稼米
斗萬錢則天方御洛城門酺宴涼州使至因輟樂拜公爲
涼州都督兼隴右諸軍大使調秦中五萬人號二十萬以
赴河西公至涼州吐蕃素聞威名相謂曰我贅普猶懼吾
輩何可敵乎相率而去公收合餘衆繕脩城壁施法令屯
田一年而復公之功也公以涼州西拒吐蕃北有突厥久
示其弱未揚天威因徵隴右兵馬一百二十萬號二百萬
集于湟州營幕千里舉鉞號令時宗楚客爲相素與公不
協令人告變則天皇懼計無所出狄仁傑魏元忠韋安石
李嶠宋璟姚崇趙彥昭韋嗣立張說二十五人抗表請保
如公有異圖並請身死籍沒則天由是稍安兵旣大集人
又知教分兵十道齊進過青海幾至贅普牙帳贅普屈膝
請和獻馬三千疋金三萬斤牛羊不可勝數公大張軍威
受其蕃禮而還旣伏西戎震威北狄突厥獻馬二千疋所
獲涼州人士皆放歸塞上從此方鎮肅清蕃落畏慕令行
禁止道不拾遺凡所規模制作率爲後法河西隴右十餘
處置生祠堂立碑頌德閭立均等爲其文尋有詔許入朝
公素無第宅寄居友人之舍候鼓入朝忽有人馬前送狀
開緘前人已去狀中唯有物數而無姓名便於樹下獲騾
馬二十餘疋帛三千疋公曰豈非大學請葬之士乎因以


買宅居止薛稷趙彥昭聞之皆嗟嘆良久景龍年中宗楚
客韋處訥等潛結朋黨憎功害能授公驍騎大將軍兼安
西大都護四鎮經畧使金山道大總管時烏質勒久恃衆
倨傲不屈朝廷縱兵遠掠道路不通公以衆寡不敵難以
力制因率麾下數十騎徑入部落烏質勒大出兵衛出迎
望見公威容端毅風鬣若神不覺屈膝因而下拜公宣國
威命抗聲與語自朝至暮雪深尺餘竟不移足質勒頻拜
伏語畢歸帳相去二十餘里質勒久立雪中倉卒疾發是
夜暴卒其嗣子娑葛集諸將曰漢使殺我君父今須復讐
大舉兵衆將追殺公聞質勒死遲明素服來弔道路相逢
兵圍數匝娑葛見公忽來未之敢逼但言衛護漢使公至
則下大哭流涕因撫定其嗣蕃人大喜留數十日助其
葬事娑葛獻馬三千疋牛羊十餘萬移居千里西域無事
道路肅清諸蕃聞之遣使歸降者十餘國時人語之曰郭
元振詭殺烏質勒知娑葛與闕啜有釁奏請移於瓜州制
從之會中書令宗楚客受金遂寢其事公具以狀聞楚客
恃勢囑請召公將陷之公不從又奏請斬楚客清蕃落時
韋庶人竊弄國權中宗竟不之省也初安西南有毒河源
遠在葱嶺西北河岸百步人畜踏之者輒死公威振西城
所向無不從者因驗圖經知其源率兵三萬人歷于闐康
居大食等十餘國所過之國令供資糧仍署其國王爲左
右總管率兵前進北至葱嶺牙帳前十二國王兵百萬餘

其河源上有大樹高千餘尺垂陰數頃大軍至日有黃龍
繞樹以口吐毒氣而拒官軍三軍悉覩焉公手書操檄文
令左拾遺張宣抗聲讀之畢黃龍解樹而下公率諸軍誅
之數日方倒聚而焚焉河源且絕數十里內悉爲良田在
安西十餘年四鎮寧靜韋廉八知政屢徵不至因下僞詔
令侍御史呂守素中丞馮家賓相繼巡邊欲將害之未及
皆爲娑葛等諸蕃劫殺之睿宗即位徵拜太僕卿勅至之
日舉家進發安西士庶諸蕃酋長號哭數百里或斃面截
耳抗表請留因給之而後即路其至玉門關也去涼州八
百里河西諸州百姓蕃部落聞公之至貧者携壺漿富者
輿張長絲綿七百里不絕公旌節下玉門關百姓望之
輿張呼聲動巖谷自朝至暮傳呼至涼州涼州城中男女
在衢路並歌舞出城咸言我父至矣通夜城門不受禁制
都督司馬逸客聞之謂公近矣陳兵出迎會候騎至云始
入玉門關都督嗟嘆良久具狀聞至京同中書門下三品
加銀青光祿大夫遷兵唐書部尚書封館陶縣男依舊知
政事尋轉吏部尚書知選舉囑請不行大收草澤睿宗屢
下詔褒美後默啜大寇邊拜刑部尚書充朔方道行軍大
總管築豐安定遠等城以拒賊路尋加金紫光祿大夫再
遷兵部尚書知政事仍舊元帥會太平公主竇懷貞潛結
兇黨謀廢皇帝睿宗猶豫不決諸相皆阿諛順旨惟公廷
爭不受詔及舉兵誅竇懷貞等宮城大亂睿宗步蕭章門

觀變諸相皆竄外省公獨登奉天門樓躬侍睿宗聞東宮
 兵至將欲投于樓下公親扶聖躬敦勸乃止及上即位宿
 中書十四日獨知政事因下詔曰大臣立事夷險不易良
 相昇朝安危所繫兵部尚書同中書門下三品上柱國館
 陶縣開國伯元振偉才生代宏量匡時經綸文武今之王
 佐出入將相古之人傑夙侍宸一作宸疇咨廟堂思致堯
 舜以期管樂朕往在儲闈洎登寶位每觀其仗制詞義感
 激願制詞作別凶邪立誠慷慨密陳弘益爾其至矣朕實嘉
 之頃者梟獍興謀干戈作釁太上皇帝既命朕除討元振
 又馳奉宸極始則賚予為弼終則寧朕問安可謂格于皇
 天貫于白日元惡既剪庶物惟新昌言是圖朕豈忘舊宜

并邑永誓山河可進封代國公賜實封四百戶物一千

陟子五品官尋兼御史大夫天下行軍大元帥是歲大徵
 兵衆閱武驪山兵一百萬號三一作二十百萬並奉公節
 度是日三令之後上將親鼓公慮有大變因畧行禮上大
 怒引坐纛下紫微令張說犯鱗而諫上乃曰元振有保護
 大功宜捨軍法流新州未至屬開元元年冊尊號赦曰元
 振往立大功保護於朕頃因閱武頗失軍容責情放逐將
 收后效可饒州司馬未至卒於道時年五十八有集二十
 二卷文章有逸氣為世所重公少負氣縱橫遣意磊落作
 尉巴蜀不脩名檢及登朝受任屢使遐方霜明烈心玉立
 貞節言行忠正居取儉約身體雜於皇王致君期於堯舜



公務之暇手不擇卷雖子弟家人未嘗見其喜怒前後上
事切諫得失十數道俱焚其藁草不以語人故朝廷莫知
也睿宗嘗曰元振正直齊於宋璟政理逾於姚崇其英謀
弘亮過之矣舊於宣陽里居二十餘年不至諸院馬廐每
朝迴對二親言笑歸室儼如也不問家事與狄仁傑朱敬
則魏元忠李嶠韋安石趙彥昭韋嗣立薛稷張說等爲忘
言之友事父母孝聞父受授濟州刺史後以爲相奏請解
職授銀青光祿大夫濟州刺史致仕公歿後二親猶在自
我唐授命宰臣有二親者唯公而已

尚書祠部員外贈陝州刺史裴公狀 獨孤及

晉且二其生有光祿大夫行左光祿大夫皇朝贈使持節都

大夫守禮部尚書聞喜縣開國公贈太尉揚州大都督謚

曰獻父光庭皇朝光祿大夫侍中兼吏部尚書正平縣開

國公集作男是贈太師謚曰忠獻絳州聞喜縣崇唐集作慶鄉太

平里裴稹年若干行狀公天姿英拔德宇宏曠顯昂公器

磊砢高節武庫森戟玉山照人起家以門調補千牛備身

歷太子通事舍人太常寺主簿是時萬邦方又獻公當國

天子垂衣穆清以有天下而衮職之闕疇咨之府公入則

竭力出則匪躬外詢輿人以補過庭之間陰薦多士用弘

審官之選旣而濟濟俊乂爛盈東閣邦之得_二於斯爲盛

畫一之詩作而嘉魚之頌興公之裕蠶也轉京兆府司錄

事集無此字參軍輦轂之大綱轄之劇牒訴浩穰文墨填委公

投刃餘地而大卻斯批若綱集作綱是在調而衆目不紊談笑

之際簿領肅如論者知逸倫集作曠之足方自此始開元二

十一年忠獻公猶館惇然在疚哀越乎禮會執事者醜正

作福怙寵匿怨乃因喪乘釁將逞憾于我言之如簧上亦

投杼公乃銜恤進牘叫閤抗憤危言自明至誠旁感由是

宗拓垂祉高天聽廻恩方照徹尋集作神亦悔禍卒令臧孫

有加集作葬之禮集作葬公業有不亡之嘆公之克家也服

闕授起居郎載筆赤墀書法不隱開元二十四年三庶人

以罪廢事出宮闈變生飛語時壽王以母寵子愛議者頗

有奪宗之嫌上達道閣然朝野疑懼公乃從容請問陳慨歎

在廢立之地天子感悟改容以謝因命詔以給事中授公

公曰陛下絕招諫之路為日故久今臣一言而荷殊寵則

言者衆矣何以錫之上善其敏而多其讓乃止不讓尋除

尚書祠部員外郎恪居禮闈休問惟穆弘濟之畧因為已

任于時搢紳高義方以青雲期公不弔昊天降此短曆開

元二十九年某月日薨于私第春秋若干君子謂公貂蟬

之葉瑚璉之器壽不及黃耆名不登明堂天其未亡狐趙

之勲成宣之德也非昌其身必大於後果介繁祉有才子

四人長曰倩尚書駕部員外郎兼殿中侍御史江西道租

庸鹽鐵等使次曰倣尚書司勳員外郎兼殿中侍御史叅

中軍元帥雍王軍事次曰倚殿中侍御史試守萬年縣令
李白侑太原府榆次縣尉構厦環材切玉利器價敵三虎

族橫集作疑是八王朝廷褒之方儻以戎務元年春建辰月肆

大青因命有司錄勲追舊於是詔贈公諫議大夫猶以禮

未超倫位不克德秋八月詔曰贈諫議大夫裴某操履貞

純器能溫敏素推令集作推望嘗踐清班志業屈於當時風

猷悲於既往顧其胤嗣久在周行雖禮及前脩以申追遠

而恩霑後命宜有贈榮俾高列岳之班更表重泉之飾可

贈使持節陝州諸軍事陝州刺史禮也公天機超邁雅有

大畧氣直而溫性擾而毅貞乃集作可幹事善足救物外坦

蕩豪舉朗然不羈內敏純固忠而能力至若輕死重義

險臨大節則氣冠賁育勁作風霜未嘗以得喪夷險芥于

胸臆詩云昭明有融高朗令終公實有焉謂宜荷天之休

俾熾而大龍泉未試隙駟先往天乎斯才而有斯壽今寵

優八命澤及九原已沐集作伸追遠之恩請遵易名之典

寶應二年某月日故吏官某 謹狀

上

尚書省考功夫存以行觀其志歿以謚表其德則賓集作名

實不虧美集作善惡知勸謹按故尚書祠部員外郎贈使持

節陝州諸軍事陝州刺史裴稹鼎鉉公族珪璋令名孝克

負荷忠能匡諫宏圖方壯利涉未息舟壑遷遷音徽已昧

集作命官褒德寵荷令章集作合考行飾終敢徵前典謹

上

朝散大夫使持節常州諸軍事守常州刺史賜紫

金魚袋獨孤公行狀

梁肅

仲尼述易道於坤曰君子敬以直內義以方外詩三百一

言以蔽之曰思無邪公天生懿德外方內直氣茂才全發

為時文得大易之中詩人之正邈乎其不可及已七歲誦

孝經先秘書異其聰敏問曰汝志如何句公曰立身行道

揚名之義集作是所尚也後傳究五經舉其大畧而不為

章句學確然有可大之業知者益器之十五秘書捐館公

茹血集作在夜踰時而後杖由是鄉黨稱孝三集作十餘

公皆色授心服約子孫之契天寶十三年集作應詔至京

師時玄宗以道蒞天下故黃老教列於學官公以洞曉玄

經對策高第解褐拜華陰尉故集有相房琯方貳憲部請

公相見公因論三代之質又問集作六經之指歸王政之

根源憲部大駭曰非常之才也趙郡李華扶風蘇源明並

稱公為詞宗由是翰林風動名振天下及函洛寇擾公違

難于江南上元初授左金吾兵曹掌都統江淮節度書記

非其好也未幾徵拜右集作拾遺因上疏陳便宜及方鎮

有冒于貨賄舉直錯枉大者十餘事不行皆焚其藁時大

盜之後百度草創而太常典故尤所壞缺公為博士祇考

古道酌沿革之中凡有集作無損益莫不悉悉集作當新平

公主之子裴做尚永清公主公實相禮初以裴僕射遵慶

主婚中詔長主後夫妻慶代焉公奏曰婚姻人道之大使

異姓主之非禮也且無以示天下臣不敢奉詔上從之又

議定謚法公為謚者蓋跡其事業邪正而褒貶之舉一字

可使賢不肖皆勸故其議呂裡盧奕郭知運等謚皆參用

典禮約夫子之旨其事覈其文高學者傳示以為式時有

上議謂景皇帝永升尊位不宜為太祖詔下百寮公按禮

經以為王者禘其祖之所自出而以其祖配之故三代皆

以受命始封君配昊天上帝唯漢氏崛起豐沛豐公太公

管無位無功德不可為祖宗故以高帝為太祖若景帝肇

啓王業建封于唐高宗因之遂以有天下之號天所命也

宜百代不遷因其故事條奏從之於是郊廟之禮遂定踰

月拜公尚書禮部員外郎遷吏部每歲以書判試多士而

朝列有以文學稱者必參校辨論定其甲乙丙科至是公

分其任求為郡守以行其道除濠州刺史公下車以淮士

輕剽承兵革之後率多不法長吏不能制遂先董之以威

格之以政然後用愷第寬厚漸清其俗三年而闔境大穰

優詔褒美移拜舒州刺史又以行聞璽書就加朝散大夫

檢校司封郎中賜金印紫綬其明年吳楚大旱餓夫聚於

萑蒲者十七八唯舒安阜近者悅遠者來大牙之境草竊

淮湖之災旱爾守之力也擢拜常州刺史本州都團練使

常州為江左大郡兵食之所資財賦之所出公家之所給

歲以萬計公削其煩苛均其衆寡物有制事有倫刑罰罕

用頗類自息公又謂安人之道清而靜之則定為而察之

則擾故寬以居之仁以行之一變而百姓不知其理又一

變知其理而不知理之所由比及三年吏不忍欺路不舉

遺年穀屢熟一作災害不作甲辰歲冬十月二十日甘露

降於庭樹二十七日夕乃止嗚呼公庇斯一作人人方仰公

彼天不惠降此大厲為郡之四載大曆十二年四月壬寅

晦暴疾薨于位行路慟哭罷市者相弔踰月又吁嗟之聲

相聞自寮屬相吏下逮鄉老里尹皆率以備齋祭及葬之

日總哀送喪者數千人唯公體黃老之清淨荷大雅之明

哲尊賢容衆而交不諂賣本仁祖義而文以禮樂乃至

至溫良能斷應用不滯達識足以表微厚德足以載物善

而不伐光而不耀內不機巧外無緇磷隕然中立豁若虛

受其長人也先教愛而後法禁不遷怒以臨下集作故威

而不猛不私已以欺人故易而無備其茂學博文不讀非

聖之書非法之言不出諸口非設教垂訓集作法之事不行

於文字而達言發辭若山嶽之峻極江海之波瀾故天下


謂之文伯有集二十卷行於代若藝文之士遭公發揚集

揮盛名比肩於朝廷則有故中書舍人吳郡朱巨川中書

舍人渤海高叅今尚書左承天水趙璟職方員外郎知制

誥博陵崔元翰考功員外郎穎川陳京禮部員外郎北海
 唐次蘇州刺史高陽齊抗其章章者也其睦親與善自內
 姻及朋友所知之家振窮分災恤孤哀喪頒祿歸贈必加
 於常人一等故啓手足之日室無餘財惟四布集作肯然
 後乃歛議者於是謂公有文子之清子產之仁史魚之直
 平仲之與人賈生之行義集作文學文翁之政事叔子之遺愛
 而不躋巖廊不享期頤闕致君論道之美以遺史冊故九
 百以爲痛在昔孔文子以敏而好學爲文公叔發集有廩
 以恤衛國凶饑爲惠矧公功存於人言垂於代有文有賢
 不忝前烈者與易名之禮請從集作舊典謹狀

尚書考功次以褒德尚賢設敘之崇軌加益易名歸終之
本典謹按故朝散大夫使持節常州諸軍事守常州刺史
 賜紫金魚袋獨孤某蘊黃裳之服協中庸之德正詞復禮
 施化爲邦清風存乎省寺遺愛結於黎庶具美之道何以
 尚茲窀穸旣安音徽日遠請追公叔之謚式播臧孫之列
 謹上



行狀

左僕射韓滉行狀一首

國子祭酒韓絳行狀一首

太子賓客盧邁行狀一首

檢校尚書左僕射同中書門下平章事上柱國晉

國公贈太傅韓公行狀

顧况

曾祖符皇朝潭陽郡太守祖智皇朝河南府士曹參軍贈

吏部郎中父休皇朝銀青光祿大夫太子少保贈司空

滉弟少保贈司徒二唐書作謚文忠公京兆府萬年縣洪

固鄉胄貴里韓滉年六十五公繼代生賢左右王室鄭武

之賢韋平之美

開元中

解褐授右威衛騎曹參軍丁文忠憂

服闋授京兆府同官縣主簿又丁內憂孝貫神明外除授

太子通事舍人肅宗在靈武授監察御史兼北海郡司馬

充北海節度判官道阻未行除通州刺史尋充山南西道

採訪使判官時宰醜正除彭王府諮議詔授除殿中侍御

史累遷祠部考功吏部三員外郎判南曹尋遷吏部郎中

給事中兵部選事有盜殺富平令倚為禁兵特詔釋之密

疏聞狀遂伏其罪遷尚書左丞知吏部選事有擁馬陳詞

造皆抗議會不再煩主吏重閱簿書片言遣之莫不心服

拜戶部侍郎判官支管諸道青苗稅戶屬國計空耗上難

其人報勸九年出利百倍左載之錢至七百萬貫太倉之

於先帝者引劉向羊頭山忝云權量久差公曰山之南北

地之肥瘠禾黍不同會內藏有隋朝銅斛果不差異安邑

解二縣鹽地比歲水漲甚於往年有漫生紅鹽之瑞詔諫

議大夫檢覆并致祭祠宇號寶應靈慶池宣付史館拜太

常卿出為晉州刺史拜蘇州刺史充浙江東西都團練觀

察使置使尋加銀青光祿大夫改檢禮部尚書兼御史大

夫潤州刺史鎮海軍節度使依前充浙江東西觀察使令

行風動無敢犯者自信安洪光東揚捍狼士僧惟曉等結

連數部熒惑愚昨破其巢窟伏戎自殪山越一清管郡十

五戶百萬里尹亭長書佐小史令丞牧守通數萬人自公

區處不朽之作乘輿播越畿甸路斷公日遣一使問道齎
帛表詣行在諸道未知行在營將士無不引還唯公所遣
兵鎮河南衝要堅守不退兵馬使董晏將三千人鎮徐州
部將沈清等頗違軍禁公遣一介齎牒轅門答晏二十沈
清等六十八人悉按軍令徐方既定轉檢校吏部尚書加
紫光祿大夫封昌黎公改封南陽天子幸梁川巴山道
命判官何士幹領健步七百負紼疑練十萬疋上獻天子
六軍從官扈蹕千里時屬維夏未頒春衣表至行在衆情
大悅公又命從事裴樞李倫徵巡內兵甲麾下將士合三
萬人請謝衛鑾輿收復京邑上深嘉歎特加檢校尚書右
兼射李希烈衆軍東下志吞淮濟公即日遣兵馬使王栖
鳳李長榮栢良器以勁卒萬人沂流千里倍程救援纜及
睢陽賊已陷襄邑攻寧陵泗耀等突圍乘城矢中元惡兇
徒懾遁不敢東顧淮南初喪節度使大將王昭帶甲數千
夜犯城府或出權計者云江南兵至侶兵遂散殺戮甚多
士卒驕矜爭邀厚賞率居人商旅五十萬緡符牒已行人
情恟恟公即日遣都虞候李栖華謂兵馬使張瑗等曰收
復上都六軍未賞節使薨歿豈名爲功賦斂擅興何人造
意諸將引過橫調立停及大駕還都進封郡公時希烈盡
銳攻陳州公命諸將與宣武軍合勢破賊數萬人關中初
復公以爲國無年儲何禦荒儉陳圍已解汴路即通抗表
請獻軍糧二十萬斛從本道直至渭橋公命判官元友直

草創運務部勒趨程時河中阻兵堅城未拔關河蝗旱軍食不足船至垣曲王師大振拜檢校尚書左一作僕射同

中書門下平章事加本道度支營田充江淮轉運等使連

歲蝗災仰在轉運公自晨及暮立於江臯發四十七萬斛

舳艫所至近遠慰安貞元元年十一月十一日制曰江淮

轉運使某官某勵精勤職夙夜在公厥有成績可進封國

公初封鄭收封晉前後河南用兵解寧陵睢陽之圍全彭

城要害之地朝廷議勲特賜一字六品正員官又其軍鎮

營宇舟船鞍馬甲仗旗鼓羽革丹漆牛羊六畜難乎校筭

應緣兩稅唯有一榜人爭及限吏不到門今江南繭帛勝

於其末二年冬十一月朔觀上深禮重委以大計加度

言道益鐵轉運等使符空巖允方歸四里主恩彌深初

遂違顧謂其族為當濫肝膽身塗草莽上答乾坤時屈西

北用兵倉庫空竭公和糴五十萬斛無敢奪期米價遂賤

防秋士馬儲糗更無闕自公當漕運初年四十七萬二年

七十萬末年一百萬尚結贊者使六蕃抗言逆順之理夷

虜感動肝膽楚越張權者不敢惕息盜位者退而思過貞

元三年二月二十五日薨於昌化里私第春秋六十五皇

帝震悼輟朝三日制曰故某官某應運而生弼諧于我道

符兩曜德冠八元以武綬邊以文經國方期難老續一作式

作一作宗臣孰謂不融盡瘁而沒雖節亡子產衛失柳莊

憫悼之懷豈過於此過時謂疑二字撫床憎慟當哀興嗟厚

申往祿之思載榮優賜之禮可贈大傳前後賻贈布一千疋米粟五百石錢四五萬喪事供官踐歷四朝歲逾五紀炎不執扇晝不伏枕疾無杖屨居必矜莊自同官主簿制一裘褐直爲宰相古人無食粟之馬衣帛之妾更爽之居不足多矣以沙門一行得聖人之道特寫形仰影如宗師癖在春秋精於繫象賦春秋七章著通例六卷并章奏詞畧十餘萬言豁如恒星敦故舊重然諾好古博雅能書善畫夫議大勲者則不書小善舉大德者則畧其細事故不殫論矣公有子第聞斯行諸不敢墜失况以賓客從事日父泣慕清塵謹狀

貞元三年閏五月十八日故金紫光祿大夫檢校尚書左

理寺司直顧况謹上尚書考功伏以柱石元臣勲績光茂孝則先意承志忠則知無不爲武能禁暴文以經國翊贊聖明懋建和平沃心造膝簡乎上長策橫疑作宏規振乎外奄從流運恩軫睿慈今日日若馳松楸將樹易名之典請舉舊章謹上

朝議大夫集作朝議即守太子賓客上輕車都尉賜紫

金魚袋贈太子太傅盧公行狀 權德輿

曾祖勤嘉皇朝散大夫青州司馬隴城縣開國子祖克明皇瀛州高陽縣令贈國子祭酒父沼皇陝州芮城縣尉累贈慈州刺史秘書監河南府洛陽縣遵化鄉恭安里盧邁

字子玄年六十狀公以仁爲輕以義爲用窮四教之根本
探六籍之菁華其門風士行天下歸重以居室之和移諸
官署以率性之道弘於事業自解巾試吏至於佩相印不
爲利疚不爲物遷令名豐祿與之終始推是道也年未志
學累丁齊斬純孝孺慕外除猶毀博貫儒書不耀其華特
爲叔舅太傅文貞公之所賞鑒經明筮仕補太子正字藍
田尉會府試言拔乎其萃轉河南主簿尋有詔彙集賢校
理建中初上方靖端百度脩起五諫拜右補闕俄換侍御
史興元元年遷刑部員外郎間一日又以本官兼侍御史
介相國蕭公宣慰于江淮奉憂勤之旨宣豈第之澤四壯

所及熙熙如春既復命轉吏部員外郎每歲赴調者惟行
而後置關決在於郎吏情僞之所以效利之所因攻堅

未導大窾從容折中優而

集作而優

爲之又以京師食貧諸孤

衣食爲念求出爲滁州刺史仁惻之政人到于京懷之朝
廷嘉其理行徵入爲司門郎中自時厥後比歲超拜歷諫
議大夫左曹右轄乃參大政皆用德進人無異詞間一歲
遷中書侍郎平章事又一歲感風痺寢疾周月除太子賓
客貞元十四年六月某日薨於家追命太子太傅公寬舒
弘重有姿度風表而憲早品式故事成法經通鎮密靡不
周貫居諫諍之官言必削橐自非成命頒行而人莫知者
又嘗以考課之法溢美相蒙革其已然當自二府時居左
垣固辭上第宰政歎其能讓因以從之庶官之濫者知懼

而百職脩矣燮和合階秉直閑邪率循中庸左右皇極德
輝陶然不見其際詩曰衣錦駉衣裳錦褰裳惡其文之著
也公誠有之不然豈移疾家居者旬歲上章乞告者七反
然後得請至於飾終追錫有加禮焉此固有以異於常而
得之也早歲以遊寓於集作于南譙與崔文貞公講學至穀
梁傳因附經義有以規者文貞慙歎爲之著重請銘且曰
吾以爾爲甥亦以爾爲友知免於大過矣其推重如此天
性篤於慈仁厚於情禮每岳功總之喪其於言而不議議
而不及樂率皆容稱其服而有加焉故事宰臣非上公承
攝之禮園丘齋祠之敬則未嘗以騶騎導出國門者公從
父弟段於蜀都精車之來道秦赴洛出東門十數里以履
止湖來憧憧侍食佐酒彌日通夕與群從之叩者冠者均
其指使章絞之外無以異焉再娶無子或以嗣不可絕諭
之他求者則曰吾舅文貞嘗集作常言之矣兄弟之子猶子
也引而進之可以主後事集無此字故自成童至于捐館其所
留於集作于聰明接於心術者中正之外無自入焉歷官俸
賜必振六姻之乏即遠裳惟唯資四布之賻季文之廉忠
張仲之孝友魏舒之弘粹孔光之慎密兼而具之日月有
時蓋徵謚法用是傳信移諸有司謹狀

貞元十四年九月十四日故吏朝議郎守尚書司勳郎中
知制誥雲騎尉賜緋魚袋權德輿謹上

尚書考功有易名本於周道必視其行勸孰甚焉謹按故
朝議大夫守太子賓客贈太子太傅盧公德範顛沛如大
圭彘器閨門風訓儀表人倫乃持國鈞以鎮雅俗繫矩居
易有初有終瞻彼九原既先徵遠之卜節其一惠敢忘至
公之議謹上

大中大夫守國子祭酒潁川縣開國男賜紫金魚
袋贈戶部尚書韓公行狀 前人

會祖符皇潭陽郡太守祖大智皇河南府士曹參軍贈吏
部郎中父休皇太子少保贈司徒謚文忠公京兆府萬年
縣芙蓉鄉龍遊里韓涇年六十三狀公字幼深其先潁川

人自同姓於周受封於韓逮獻子而為正卿不景侯而

流列國司馬氏代家言之諱矣公大祖播徙居潁川人繼
有勲力代名忠孝以至文忠公用醇仁清德左右玄宗致
中和以為國經躬愷悌以為家法公慕成茂緒幼有令聞
直方簡重博厚弘大該涉羣書尤治春秋詩禮之學必賅
其奧而踐乎中未弱冠以門蔭補弘文生蒲歲參調侍郎
達奚恂唐書矯枉過正以地望降資署章懷太子陵令且
將察其詞氣以為銓藻公恬然受署初無愠容當時識者
知其致遠天寶末盜陷西集作京兄姪七人遭離不淑茹
痛違難寓于江南布衣蔬食不聽聲樂者積六七年友第
行義士林以為難翹半辟書旁午而至累授漢中郡江陵
府二功曹大理司直兼漢中郡司馬蘇州司馬且皆有賓

之比要制財用之均節物力不屈王府以充出牧也厥職

寢集作廢公乃革煩政振舊綱既無暴征亦無遺利罷省

胥吏冗食者二十餘人明年太府卿張獻恭廣廩庫以受

歲杪量入之數又於長安萬年二縣界奏貯米穀數十萬

石視年之豐耗而為之發歛人無艱食歲無災荒雖元凱

之智畧壽昌之功利不是過也上方待集作以大任為執

事者所抑出為蜀州刺史蜀多火災自古所患俗以為常

無所懲禁公到部集作逾月令簡事時里胥不勞州兵多

暇乃省經用之費給太半之庸俾其埏埴以易蓬葦翬飛

鳥葦相望如雲授之逾年乃償其直三歲在郡四封恬然

補用之行萊三千餘頃復人之庸亡二千餘戶教之集作課公

實居最有詔徵還既至拜兵部侍郎在職數月遷京兆尹

兼御史大夫三輔難理轂下尤甚賊泚之後旱蝗相乘連

師十餘萬屯于蒲坂戎裝兵馬仰給京師內安罷外贍

軍實師克濟而人不困公之力焉轉刑部侍郎刑罰者國

之大典所以禁暴而衛善人也而或巧詆比况因緣為奸

公講求紀律明為式例悉以條奏頒於四方吏無舞文人

得從善矣遷祕書監乃奏置五經正本補羣書之缺蓬閣

之中粲然如初復除兵部侍郎累歲改國子祭酒自兵興

已來多趨末流而棄夷道故學者不振而子衿之詩作焉

公曰崇化勵賢本於六籍不學將落吾其憂乎乃表名儒

表頤韋渠年列於學官講左氏春秋小戴禮樞衣鼓篋之
徒溢于國庠講誦之聲如在洙泗公所至必化其用無方
方將荷介社以錫難老亮天工以績舊服人望未塞以貞
元十年二月九日寢疾終於昌化里之私第皇情軫悼追
贈戶部尚書哀榮之禮於公備矣公有識度風鑒而博愛
容衆與朋友交死生以之明於吏職能斷大事疏達而有
節粹和而不流約身以周急潔已而恕物先師四教克蹈
其全中臺六職常居其半無忌之鎮靜安國之忠厚延壽
之恩信惟公兼而有之允所謂邦之才臣終溫且惠者也
龜筮叶吉日月有期易其名者請徵舊典謹狀三月日故

太中大夫守國子祭酒潁川縣開國男賜紫金魚袋贈戶部尚書韓公故吏某官謹狀

尚書考功夫士之生也

躬五常以致用其效也節一惠以尊名則善否有章實實
不撓謹按故韓公嗣直方於舊德播功行於清朝通而有
守忠而能力樹善匪懈好謀而成課績中臺道光太學大
雅明哲惟公有之考行飾終古先令典謹撰錄所履布諸
有司請徵叔發之謚以叶周公之法謹上

文苑英華卷第九百七十三



文苑英華卷第九百七十四

行狀四

行狀

司徒兼侍中北平郡王贈太傅馬燧行狀一首

贈絳州刺史馬府君彙行狀一首

司徒兼侍中上柱國北平郡王贈太傅馬公行狀

權德輿

曾祖君才皇右武侯大將軍南陽郡公祖珉皇左集作右鈴

衛倉曹叅將累贈尚書右僕射父季龍皇大同軍使嵐州

刺史幽州經畧副使累贈司空汝州郊城縣臨汝鄉石臺

里馬燧字珣唐書作洵年七十太傅英朗特達剛方中王體

苞五常致其用以贊皇極國有二柄壯其猷以合神武終

始盛烈為唐宗公原夫代有勲德延耀儲社王佐之業至公而光年十四從師講學因輟卷喟然曰大丈夫當建功

立名以康濟天下豈能矻矻為章句儒耶讀左氏春秋孫吳兵法與歷代君臣大本成敗大較忠賢功用竒正方畧

會其歸趣如指諸掌十九丁內艱泣血三年以孝聞天寶末安祿山擁幽陵之師南向以光祿卿賈循為晉後公以

書千循勸諸逆將向潤容牛庭玠等然後傳檄伏臘可覆而取之循疑晉不決竟及於禍踰月間行至恒山時河朔

披集作擾攘物情恟懼方以褒衣長裾游談感激因其謀而扶義建節者衆矣寶應中陳鄭節度李涼公抱王移鎮上

燕維和公才表為晉州趙城尉時王師既破史朝義乃復節將使上介致餼皆懼不敢行公官方解巾急病不讓徑

詣其壘申明要約氣盛詞直虜皆擾集作優從可汗乃授以旗幟委之供辨且曰有犯禁者公其董之於是藩部肅然

莫不畏服後有酋長求賂於公者立斬十餘人可汗大駭疾驅出境安人禁暴之畧兆於斯矣河北副元師僕固懷

恩居將相之重恃父子之勇可汗又其子壻也藉以為援將有異圖公密覘其情靖集作立請為之備初偽范陽節度李

懷仙與相衛恒定等四帥相繼來降懷恩結為黨助奏復其職至是擁衆據汾上子瑒圍太原相衛魏錡以相犄角

至安陽說其帥曰懷恩潛刻以逞欲其子輕佻而好勝人

人自爲計坐待帳下之變耳深陳利病勸喻激切繇是感
公言至涕泣改圖因約懷仙等三人奉章獻欵旣廻鵠北
歸懷恩興瑒繼死公之明識遠畧皆此類也本使尋奏改
左武衛兵曹參軍歷太子通事舍人著作郎以至祕書少
監兼殿中侍御史轉營田節度二判官未泰中拜鄭州刺
史兼侍御史至是頒六條撫四方分憂於上施惠於下時
兵食方調杼軸其空乃闢其田畝均其戶版每歲一稅百
姓便之生齒益息廢物蕃阜大曆中改懷州刺史其夏大
旱公以救災沴莫若修教化掩骼埋胔蠲苛恤隱使皆得
其欲而無窮人端居潔誠默以心禱至七月櫓木滿野靡
二折險負而至朝廷以併陽城人試之守并龍州
兼其兼御史中丞公乃訓州師備器備郡城之西有路與
蕃境相直凡二百餘步上連峻峯公乃躬自行視塞其蹊
隧功堅力省疆場以寧又置譙門於阨狹之地中制荷鏑
上施干櫓積歲之患旬日而安連帥憚公威望日盛羈留
幕府因以受代家居京師者久之先皇帝召見竒其才授
商州刺史兼御史中丞未旬月屬河湯三城逐其師擇可
以撫寧之者特拜左散騎常侍兼御史大夫充河陽三城
使是歲大曆十年也夏五月汴宋兵馬使李靈耀以濮陽
叛俄據浚郊國家始務靖人特屈常憲因以節度留後授
之而又結魏師以畧東郡不利六月詔公與淮西節度李
忠臣夾攻之時寇鋒寢盛忠臣每合皆北將棄師以免者

數矣公嘗激以壯志或給之吉夢忠臣旣慚且憤引師復
還先是請忠臣軍汴南公軍汴北每與虜确所向無前敗
之於滎澤又破之於西梁固至是靈耀以其勇悍者八千
人號爲餓狼營盡銳來拒公引戲下決戰遂勝入郟時魏
之救兵二萬距大梁三千里所疑是許公又合諸侯之師用
奇設伏以敢死士三千人鼓譟先登大敗之魏將軍單騎
遁去靈耀以其徒霄潰翌日餘黨以城內八千人降於公
公悉讓忠臣推而不處閉壘移疾退於坂橋其士吏鹵獲
悉以家財購而復之大梁之人至今知感履險則忠以盡
敵成功則讓以保身此又將帥之明哲也十二年三月詔
復魏博之地諸侯兵師公乃歸鎮河陽秋雨暴至河流決
注軍吏等具檄權請公登舟以避公曰城中凡數十萬戶
吾賓主之而苟以一家求安所不忍爲旣而人皆感泣水
不爲患十四年閏五月皇帝旣位深燭理本以太原王業
所起國之北門非勲德爛然者不能鎮定特拜工部尚書
兼御史大夫太原尹北都留守充河東節度觀察等使於
是脩班制正事典險其走集訓其輿師講車徒戰陣之法
教金鼓聲氣之節分畫之下變化如神自是烽候罷警旬
奴不敢南向而牧矣建中二年夏六月來朝京師加兵部
尚書封豳國公初魏博席伯父之勢而得專地旣踰年與
東平常山復爲從約七月魏以兵三萬圍邢州攻臨洛昭
義節度上請公爲援朝廷許之十月公會昭義之師與神

策行營兵馬使故太尉西平王於漳州先是魏以浚郊之

敗讐公威望至是以節度之師專征伐之任兵刃完利部

校訓齊軍聲大振士氣益勵魏人又分銳騎合恒定李惟

岳之衆萬人集作於臨洛南雙岡下樹柵以自固公自晨至

晦急擊大潰殺其將楊朝光時臨洛之圍濠集作楊壘四匝

復與招義鼓行而集作軍前腹背受敵颶塵翳景士皆決死

凡百餘合公自據西濠口扼其喉以襲鼓之克徒斃踏亂

相蹂蹈收其車重兵械各數十萬魏人棄集作委營而遁邢

圍迎潰上嘉其功拜尚書右僕射先是公與軍吏約曰苟

戮力成功者當竭產以賞至是悉索家錢與車服臧獲等

賈其餘勇士皆歔歔感激集作勵爭以効命報焉優詔褒異

命史臣書之且詔有司以量入之賦如其數以復於公其

毀家佐軍輕費集作賞厚下皆此類也三年正月魏人又乞

師於東平恒山衆且四萬壁於洹水公曰不備不虞不可

以師且以河陽三城常所訓定上請爲助有詔從之乃建

三橋夾河爲壘乘變出奇如環無端初則銜枚以趨敵因

乘其未備後則薙草以滅火使計不得用然後分銳士騰

馳以犯之而後從之獲首給者殆半餘皆走林溺水僵尸

相屬腥穢川陸公愀然曰是皆平原人也彼但暴服之耳

亦旣就死集作斃忍其委骨肉如是耶使得以族屬收瘞旣

亦旣就死集作斃忍其委骨肉如是耶使得以族屬收瘞旣

而聞者

生聞作

知感繇是洛博二州偽署刺史各以其地來

降鄴魏之間以咫尺之書招下二十餘城朱滔誘其隣帥

復來助寇四月公有魏城之捷五月詔同門下平章事仍

封北平郡王時諸軍連捷師留且久或有

集作已

復其侵地

則怠於攻取公具以上聞有詔朔方節度李懷光應援征

討六月朱滔以漁陽之甲三萬至于誠下初諸侯有議班

師者公曰彼三戰三北假息孤城且宿兵十萬聞援強而

退縱敵生患何以復命於朝廷耶既而郡師相勵皆百其

勇七月加魏州大都督府長府仍充魏博澶相四州節度

招討等使四年二月又敗之於成

集作城

安魏軍退于館陶

深壁以自固以十月盜臣竊發鑿路守于近郊公思憤逾

臂伏泣以大節感動之時朱滔招連北虜邊鄙日聳公謂

諸將曰夙駕整旅以扈屬車人臣之分也

集作爾

儻北都不

守即兩河三川搖矣豈行師捍患之義也耶乃還太原遣

行軍司馬王權統銳騎五千與監軍使者赴在所

集作行在

又

令男彙與大將等男各一人赴焉軍食祿賜器備服用一

以條奏獻於行宮公初旋師也以晉陽大鹵用武之地北

蕃東夏且有外虞而都城之東平坦受敵乃股引汾晉三

川漲為平湖能順地泐以導水勢守陴者歲減其役濱河

者日厚其生而又廣堤濬池密樹如織金湯自固板榦不

勤其明智善利之及人也如此公自出車累歲功捷相繼

而軍中衣食多出寇境河東之人皆調給饋餼之勞歲減其賦封內相賀因中貴人以聞願刻金石詔從其請公避名不伐懇疏方止其勞謙之詞邦人誦之此所以尊而光晦而彰者也公常揣摩諸侯開導勸善能通其變以誘其衷盡益友之直諫啓純臣之志畧因所以建大順立大勳者有焉興元元年二月李懷光貪天犯上衡連逆泚脅其人以河中叛公威聲素振攘地相接支郡屬城降者繼至秋七月皇帝旣平大盜乃清宮廟加河東保寧奉誠等軍行營副元帥有詔許公與諸軍同討河中九月旣望師及于絳僞刺史王克同棄城而遁餘黨來降分徇下縣進軍

齊鼎斬其將條
唐書白文先是懷光之師勇於狶突至是

齊鼎斬其將條
唐書白文先是懷光之師勇於狶突至是
非表章所盡釋位來朝親稟睿略乃屈指成筭請三旬芻粟以平之秋七月與河中節度使今侍中咸寧王及同華邠寧之師次于長春宮公以單騎傳于城下召大將徐廷光西向受命且以君恩喻之曰兵興以來逾三十年而朔方之師最爲忠力今乘時自效若建瓴水豈甘心齧禍終汗鋒刃耶開陳逆順聲涕交感又曰跬步之內矢石所及若决爲匪人亦在今日因披襟直前當之庭光頰伏拜泣莫敢仰視抗詞未畢堅壁洞開公徑入撫安奉宣皇澤於是城中周呼曰吾等復爲王人矣八月公與咸寧合軍而東至于焦離堡降其將尉珪乃次河中陣于城下懷光傳

首其衆請命是舉也不勞師獻功如其平素集作素馬就加侍
 中歸鎮北都三年二月來朝京師寇戎既清乞罷藩鎮六
 年拜司徒兼侍中詔有司具儀法冊命禮賜備厚昭德報
 功人臣榮之屯師河中也靈武節度杜希全獻體要八章
 上因著君臣箴以賜之公奉表陳賀上又賜公宸衷台衡
 銘各一首公令男暢詣闕謝恩並請揭而書之於起義堂
 之側詔下優答其畧曰卿有訐謨濟代之誠保衡輔朕之
 志情之所尚遂飾以詞比夫盤盂自銘亦冀輔佐同德遂
 許刻石兼賜題額寵渥之盛冠耀當時五年九月嘗與故
 太尉西平王同對於別殿上曰卿二人與朕休戚是同各

賜圖形麟閣并御製文命皇太子書于閣壁至於君使臣
 臣事君選賢與能之盛盡忠作憲之績煥乎天文與日月

並明矣九年十月公以足疾久闕朝請因至中書奉表起
 居召對拜舞手快至地上驚遽自起以接之公慙惶跼踖
 感甚以泣上曰元首股肱本為同體卿之疾痛何異朕身
 乃遣中使梁懷幹扶掖下殿十一年二月以年及懸車再
 表讓侍中優詔敦獎終不得請八月十七日薨于安邑里
 私第皇帝震悼不視朝四日先是詔宰臣詣宅問疾御醫
 禁方旁午於途疾劇遺表指陳邊事純誠至公言不及私
 薨之明日詔贈太傅又詔文武百寮就宅吊哭京兆尹護
 喪萬年令為副司農卿嗣吳王嘏充吊祭使鴻臚少卿王
 權為副賻贈絹二千疋布五百端米粟二千石二十七日

命太常卿裴郁副使少府少監路恕備禮持節冊命上所
以待大臣之禮備矣惟公始以文史參佐至于牧守師集

將帥公業見乎變德刑焯於時所以順天明從君命布皇

澤宣國威能竭忠力而為藩衛理軍如家馭下以誠拊循

厚而士勵法禁明而眾整誓師鞠旅皆樂為用料敵制勝

如在敵中此戰之所由克也凡再分兵符而三破劇賊開

相府十四年以上公居中者九年至於盡沃心之言當注

意之重密啓詭詞人莫得而知之昔舜之官人也高作司

徒龍作納言惟公居之周之命將也方叔元老申伯于藩

惟公嗣之加以馮異之推功趙奢之饗士子囊之城郢文

子之不屬其子惟公之故載特為喜追遠盛公侯之禮

會朝鳴王拜後聯卿士之榮公之展孝也公之敏忠也凡

自府辟多為國華登中朝以潤王度分外闡而貞師律公

之知人也公之舉善也洪範之又用三德用五福惜公

不踰期願其他則無不及也德輿自右集作補闕三歲而

為右史掖垣之屬備承功烈褒獎之禮獲奉命書來今先

遠有期祖載將及易其名者敢告有司謹狀貞元十一年

十月十六日宣德郎守起居舍人制誥雲騎尉權德輿謹

上尚書考功夫建侯行師先王之所以懲不恪也考行尊

名先王之所以勸人臣也謹按故司徒兼侍中上柱國北

平郡王贈太傅馬公勤勞王家功德茂盛其謀猷合於君

其忠利加於人也用登公相以殿邦國今體魄則降日月

文苑英華

卷一百一十四

八

李九

有特敢錄實行請徵謚法謹狀

集作上

贈絳州刺史馬府君行狀

韓愈

君韓彙字某其先為嬴姓當周之衰處晉為趙氏晉亡而

趙氏為諸侯其後益大與齊楚韓魏燕六國俱稱王其別

子趙奢當趙時破秦軍闕與有功號馬服君子孫由是以

馬為氏梁有安州刺史待中贈太尉岫岫生喬卿任襄州

主簿國亂去官不仕喬卿生君才隋末為薊

集作薊

今燕王

藝師之以有幽都之衆武德初朝京師拜武侯大將軍封

南陽郡公卒葬大梁新里趙郡李華刻碑頌之君才生珉

為王鈐衛倉曹參軍事贈尚書左僕射生季龍為嵐州刺

史曾司空青河崔元翰銘其德於碑在新里司空生繼為

長子也少舉明經司徒公作潘太原以河南府參軍建中

四年司徒公使將武人子弟才力之士三百人朝行在扞

衛獻御服用物弓甲煮噐性幕奔走危難上嘉集作喜非其勤

超拜太常丞賜章服遷少府少監太僕少卿司徒公之薨

也刺臂出血書佛經千餘言期以報德廬墓側植松栢終

喪又拜太僕少卿疾病一年貞元十八年七月

七蜀本二作十

十五日終於家凡年四十有五其弟少府監暢上印綬求

追贈贈絳州刺史布帛百疋君在家行孝友待賓客朋友

有信義其官守

集作官舍

恭慎舉職其朝獻奉父命不避難其

居喪有過人行初司徒公娶河南元氏封潁川郡夫人贈

許國夫人許國薨少府始孩顧託以其姪爲繼室是爲陳國夫人陳國集作夫人無子愛君與少府如已生其薨也君與少府喪之猶實生已親負土封其墓夫人滎陽鄭氏王屋縣令况之女有賢行侍君疾逾年不下堂食菜飲水藥物必自擇將進輒先嘗方書本草恒置左右男二人救前左衛倉曹參軍敷右清道率府胄曹參軍女子二人在室雖皆幼侍疾居喪加成人愈既世通家詳聞其世系事業今葬有期日從少府請掇其大者爲行狀訖立言之君子而圖其不朽焉

文苑英華卷第九百七十四

行狀五

行狀

祕書少監陳京行狀一首

段大尉逸事行狀一首

右散騎常侍宜城伯柳公行狀一首

祕書少監陳公行狀

柳宗元

五代祖叔明陳宜都王魯祖某皇會稽郡司馬某皇晉陵郡司功參軍父兼右補闕翰林學士贈祕書少監某州某縣某鄉某里陳京年若干狀公姓陳氏自潁川來隸京兆萬年胃貴里諱京旣冠字曰慶復舉進士爲太子正字咸陽尉太常博士左補闕尚書膳部考功員外郎司封郎中

給事中秘書少監自考功已

集作

來凡四命為集賢學士

德宗登遐公病疴輿曳就位備哀敬之節由是滋甚遂以所居官致仕貞元二十一年四月二十五日終于安邑里妻黨之室無子伯兄前監察御史璫仲兄前大理評事萇以公文行之大者告于嘗吏于公者使辭而陳之大曆中公始來京師中書常舍人袞楊舍人炎讀其文驚以相視曰子雲之徒也常以兄之子妻公由是名聞遊太原太原尹喜曰重客至矣授館致餼厚以泉布獻焉公曰非是為也某嘗為北都賦未就願即而就焉其宮室城郭之大河山之富關閉之壯與其土疆之所出風俗之所安王業之所由興苟得聞而覩之足矣若曰受大利是以利來非真前志也吾不能取辭遂逆大河踰北山徜徉而歸賦成果傳天下為咸陽尉畱府廷主文章決大事得其道為博士舉疵禮脩墜典合于大中者衆焉涇人作難公徒行以出奔問官守段忠烈之死上議罷朝七日宰相曰不可方居行官無以安天下公進曰是非宰相之言天子褒大節哀大臣天下所以安也况其特異者乎上用之其勞動侍從謀議可否時之所賴者大巡狩告集住至上行罪已之道焉曰凡我執事之臣無所任罪予惟不謹於理而有是也將復前之為相者公曰天下加惠羣臣而引慝焉德之厚也而為相者復無以大警于後且示天下率其黨爭之上變於色在列者咸恟而退公大呼曰趙需等勿退遂進

而盡其辭焉不果復上迎訪太后聞集作問數歲外頗怠其

禮公密疏發之天子感悅焉初禮部試士有與親戚者則

附于考功莫不陰授其旨意而為進退者及公則否卓然

有有司之道不可犯也太廟闕東向之禮且久矣公自為

博士補闕尚書郎給事中凡二十年動集作勤以為請殷祭

之不墜繫公之忠懇是賴故有有赤紱銀魚之報焉昭陵

山峻而高寢宮在其上內官懲其上下之勤輓汲之難也

謂于上請更之上下其議宰相承而諷之召官屬使如其

請公曰斯太宗之志也其儉足以為法其嚴足以有奉吾

敢顧其私容而贊集作替之也奏議不可上又下其議凡是

公者六七人其餘皆曰更之便上獨斷焉曰京議得矣

之有集賢奏秘書官六員隸殿內而刊校益理納資為胥

而仕者罷之求遺書凡增繕者乃作藝文新志制為之名

曰貞元御府羣書新錄始御府有食本錢月權其贏以為

膳有餘則學士與校理官頒分之學士常受三倍由公而

殺其二書史之始至入禮幣錢六十緡亦皆分焉公悉致

之官以理府著作書閣廣羣官之堂不取於將作少府而

用大足居門下簡武官議典禮上以為能益器之與信臣

議且致相位遇公有感疾使視之疾甚不能知人遂不用

鄭吏部高太常為相而以秘書命公所以示優之也公有

文章集作章賸半卷深茂古老慕司馬相如揚雄之詞而其

詰訓多尚書爾雅之說記事朴實不苟悅於人世得以傳

文苑英華 卷之九

五

藁其學自聖人之書以至百家諸子之言推黃炎之事涉
歷代洎國朝之故實鉤引貫穿舉大苞小若太倉之蓄崇
山之載浩浩乎不可知也豈楊子所謂仲尼駕說者耶夫
其忠烈之褒也相府之有誠也太廟之東向也昭陵之不
更其故也官守之不奪也立言之不可誣也利之不苟就
也害之不苟去也其忠類朱雲其孝類穎考叔其廉類公
儀休而又文學以輔之五文字集作以之學以輔之而天子以為之知
既得其道又得其時而不為公卿者病也故議者咸惜其
始而哀其終焉公之喪凡五十四日而夫人又歿毀也夫
人之父曰偕司農卿祖曰某贈太子太保宗元故集賢史
九辨公之遺事於其家書而授公之友以誌公之墓謹狀
元祐六年元年是 八月五日尚書禮部員外郎柳宗元

狀

段大尉逸事狀

前人

大尉始為涇州刺史時汾陽王以副元帥居蒲王子晞為
尚書領行營節度使寓軍汾州縱士卒無賴邠人偷嗜暴
惡者率以貨竄名軍伍中則肆志吏不得問日羣行丐取
於市不噤輒奮擊折人手足推釜鬲甕盎盈集住道上袒
集把臂徐去至撞殺孕婦人邠寧節度使白孝德以王故
戚不敢言太尉自州以狀白府願計事至則曰天子以生
人分集住公理公見人被暴害因恬然且大亂若何孝德
曰願奉教太尉曰某為涇州甚適少事今不忍人無暴寇

文苑英華

日

集作死以亂天子邊事公誠以都虞候命某者能為公已

亂使公之人不得害孝德曰幸甚如大尉請既署一月晞

軍士十七人入市取酒以刃刺酒翁壞釀器酒流集作溝

中大尉列卒取十七人皆斷頭注渠上植市門外晞一營

大譟盡甲孝德震怒召大尉曰將奈何大尉曰無傷也請

辭於軍孝德使數十人從大尉大尉盡辭去解佩刀還老

覺者一人持馬至晞門下甲者出大尉笑且入焉曰殺一

老卒何甲也吾戴吾頭來矣甲者愕因諭曰尚書固負若

屬耶元帥固負若屬耶奈何欲以亂敗郭氏為白尚書出

聽我言晞出見大尉大尉曰副元帥勲塞天地當務一有

始終今尚書恣卒為暴且亂亂天子邊欲往歸罪且及

副元帥今郭氏惡子弟以貨竄名軍籍中殺害人如是不

止幾日不大亂大亂由尚書出人皆曰尚書倚副元帥不

戰士然則郭氏功名其與存者幾何言未畢晞拜曰公

幸教晞以道恩甚大願舉集作一軍以從顧北左右曰皆解

甲散還火伍中敢譁者死大尉曰吾未哺食請假設草具

既食曰吾疾作願留宿門下命持馬者去旦日來遂卧軍

中晞不解衣戒候擊折衛大尉且俱至孝德所謝不能請

改過邠州由是無禍先是大尉在涇州為營田官涇大將

焦令謀取人田自占數十頃給與農田且熟歸我半是歲

大旱野無草農以告謀謀曰我知入數而已不知旱也督

責益急農且飢死無以償即告大尉大尉判狀辭甚巽使

人來集作來諭謀謀盛怒召農者曰我畏段某耶何敢言我

判鋪背上以大杖擊二十垂死輿來庭中太尉太泣曰乃

我困汝即自取水洗去血衣裳衣瘡手注善藥旦夕自哺

農者然後食取騎馬賣市款代償使勿知淮西寓軍帥尹

少榮剛直士也入見謀大罵曰汝誠人耶涇州野如猪人

且飢死而不得穀又用杖擊無罪者段公仁言大人也而

汝不知敬今段公惟一馬賤賣市穀入汝汝又取不耻凡

為人傲天災犯大人擊無罪者又取仁者穀使主人出無

馬汝將何以視天地尚不愧如奴隸耶謀雖暴抗然聞言則

大愧流汗不能食曰吾終不可以見段公一昔集作夕同自恨

死及太尉自涇州以司農散成其族過此幸致貨幣

不得命至都太尉怒曰果不用吾言晤謝曰處賤無以拒

也大尉曰然終不以在吾第以如司農治事堂樓之梁木

上泚反太尉終吏以告泚泚取視之其故封識具存

段太尉逸事如右

元和九年某月日守永州司馬員外置同正員柳宗元謹

上史館今之稱大尉大節者集作出入二字以為武人一時奮不

慮死以取名天下不知大尉之所立如是宗元嘗出入岐

周邠濠間過真定北上馬嶺歷亭鄣堡戍竊好問老校退

卒能言其事大尉為人煦煦集作姁姁常低首拱手促集作行步

言氣卑弱未嘗以色待物人視之儒者也遇不可必達志

决非偶然者會州刺史崔公來言行信集作直備大尉遺信行事覆校無疑或恐上逸墜未集大史氏敢以狀私於執事謹狀

故銀青光祿大夫右散騎常侍輕車都尉宜城縣

開國伯柳公行狀

前人

曾祖善才皇荆王侍讀祖尚素皇潤州曲河縣令父慶休皇渤海郡渤海縣丞贈蔡州刺史工部尚書汝州梁縣梁城鄉思義里柳渾年七十四狀公字惟深其先河東人晉永嘉年有濟南大守卓者去其土代仕江左公實後之柳氏自黃帝后稷降於周魯以字命族因地受氏載在左氏

內外傳及太史公書自卓至公十有一代為士林盛族著

和得達而遇節必立板曠放弛而應機能斷其居室奉養撫字之誠儀于宗戚而內行著其蒞政柔仁端直之德洽于府寺而外美彰焉凡為學畧章句之煩亂採摭奧旨以知道為宗凡為文去藻飾之華靡汪洋自肆以適已為用自始學至於大成耽嗜文集注意鑽礪倦不知遊息威不待稷楚儒言經蜀本作雅吉夙有聞知年十餘歲有稱神巫來告曰若相法當天且賤幸而為釋可以緩而死耳位祿非若事也公諸父素加撫愛尤所信異遽命奪去其業從巫之言也公不然之二字集作可且曰夫性命之理聖人所罕言播紳者集有不道巫何為而能言之耶集作盡且令從之

而生去聖人之教而為異術不若速死之愈也於是為學

甚篤其在童幼固不惑於請恠集作恠請矣開元中舉汝州進

士計偕百數公為之冠禮侍郎韋陟異而目之一舉上第

調授宋州父尉操斷舉措通乎細大潔廉檢守形於造

次加雲騎尉秩蒲江南西道連帥聞其名辟至公府以信

州都邑人罹凶害靡弊殘耗假守永豐令公於是用重典

以滅奸暴鋪大和以惠鰥寡除物害消去人隱吏無招

權乾沒之患政無犯令龍戎集作戎之嘉宰制聽斷漸於無

訟集作訟息耕夫復於疆封集作封疆商旅交於關市既度而富廉

耻興焉既富而教庠塾列焉里閭大變克有能稱遂表為

洪州豐城令到職如來豐之政而仁厚加焉授衢州司馬

遂病歿藏用遁隱于武寧山羣公文書諸侯走幣皆謝絕

不就方將究賢人之業窮君子之儒味道腴以代膏梁動

德耀集作德耀而輕紱冕遺榮養素恬淡如也朝右籍甚有聲

徵拜御史公曰君命也安敢逃乎即日裝束上道公常好

大體不為細故家之迫速集作迫速非其志也以疾辭授右補

闕不隱忠以固位不形直以干集作干名除殿中侍御史賜

緋魚袋赴江西與租庸使議復權鐵及常平倉便宜制置

得以專任蜀本作征和鈞關石之緒出納平準之宜國利人逸

得其要術集作速遷侍御史充江南西道都團練判官時屬

支郡不知連帥之職公請出巡盡征之地大詰奸謬所至

風動其有非常之政裕于人者必舉其課績歸之使府而

集無而字又以文采慤懃歌詠之俾其風謚誦聲聞于他部達

于京師而後已改祠部員外郎轉司勳郎中餘如故就拜

袁州刺史公於是酌古良牧之政宜於今者宗而奉之考

諸理國之說稱于人者承而守之均利器用以致其富昭

明物則以教之禮示優裕之德以周惠利緩九賦推廣厚

之心以固和慈保萬人明其制量臨長羣吏示之法禁考

中備敗無不得其極理行高第朝廷休之召拜諫議大夫

充浙江東西道黜陟使將舉其能政端于外邦也公則脩

唐書之考績舉漢代之課第處事詳諦無依違故縱之敗

公端審無隱忌峭刻之文特分部所繫於公尤重陵江

海竟吳越之域皆所蒞焉復命稱職加朝散大夫又拜

左庶子集賢殿學士奉翊儲后脩其宮政統理文籍紀于

祕府尚書左丞直而多容簡而有制去苛削之文而吏皆

率法務弘大之道而政不失中加銀青光祿大夫遷為右

散騎常侍涇卒之亂公以變起卒遽盡室奔匿于終南山

賊徒訪公所在追以相印既及公而問焉公變名氏以給

之謂家屬以委之賊遂執公愛予榜筆訊問折其右肱而

公不之顧即步入窮谷披草徑踰秦集作秦嶺由褒駱朝于

行宮上嘉其誠節不時召見公頓首流涕累陳計畫賊平

策勳賜輕車都尉封宜城縣開國伯拜尚書兵部侍郎初

公名載字元輿至是奏請改命以滌偽署之汙是歲盜據

淮許方議討戮宰相以大理評事李元平者有名以為才
堪攘寇拜為汝州羣臣望聲徇利者皆曰德舉公獨慷慨
言於朝曰是夫喋喋銜玉而賈名者也王衍誤天下殷浩
敗中軍華而不實異代同德徃且見獲何寇之攘時人不
之信也未幾盜襲汝州以元平歸凡百莫不嗟服焉俄以
本官同中書門下平章事登庸翊聖集作登聖匡弼大政造
膝盡規諫之志當事無矜大之容援下情于上以酌天心
順嘉譽于外用彰君德故一有致字績用茂著而人罕知之然
其彰布于外敷聞在下者十有一二焉貞元初上以旬服
長人天下理本於是親擇郎吏分宰於京師外部未幾而
人謠大和擊壤之頌歸於帝力上召丞相告之左僕射重字
政固宜慎重然則此胥胥者特京兆尹之職耳陛下當擇
臣輩以輔聖德臣當選京兆以承大化京兆當求令長以
親細事夫然後宜捨此而致理可謂愛人矣然非王政之
大倫也不知所賀上深然之漢惠悅曹參之絳侯慙曲逆
之對考之前志我無負焉既而西戎乘間入邑詐以請盟
侍中北平王璩建議許之自公卿已集作以下莫有異慮公
獨陳謀獻畫言戎之詐固不可許竟畱中不下而前議遂
行於是冊命上將蒞盟諸戎果縱兵逼好大毆掠而去上
召對前殿嘉嘆者久之特諫臣有廷爭陷於訕上者上未
之善也公從容候間陳古以諷所以示寬裕之德招讜正

之言詞旨切直意氣勲懇動合聖謨卒見納用無何工人
有以埋乘輿服噐得罪于左右者有司以盜易御物請論
如法制初可之公不奉詔因抗疏曰跡其罪狀未甚指明
方春殺人懼集作傷和氣上覽之大悅即原其罪刑官慎
恤之事正於邦典

聖君含育之德彰于天下論者難之時上相與光祿卿裴
腆不協侯公休沐以御酒或闕陰請貶之制命既行公堅
執不下請訊支計之吏校其供入之實原本定罪窮理辯
刑而腆竟獲宥克復本職白志貞有羈勒之勤獻利集作
屢中上嘉其功效特寵異之方議大用公以為胥徒雜類

出自微賤負乘致寇盜之招也累疏以聞而止公竭誠盡
忠憂勞庶務有老忘之疾懇懇逼陳讓除右散騎常侍

罷知政事貞元五年二月五日薨於昌化里終於散地故
褒贈不及惟公致君之志孜孜焉不有怠也立誠之節侃
侃焉無所屈也故處心積慮博蹇之道表于朝端弼違釋
回朴忠之誠沃於帝念內有敢言之勇進當不諱之明用
能直道自達而無罪悔者也公累更重任祿秩之厚布于
宗姻無一屢之士以處其子孫無一畝之官以聚其疾厲
待祿而飽傭室而安終身坦蕩而細故不入其達生知足
落落如此夫其孝恭慈仁義行也集作子恭父
慈善行也拊循至理
能政也直廉潔靜儉德也拒疑獨斷明識也 冒危以扞
牧圉大節也犯顏以陳訐謨至忠也有一于此尚宜旌褒

矧茲備體鳥集作馬可以已固當飾以榮號章示後來而故

吏遺孤淪寓遐壤久稽尋典罪在宗屬敢用評隲舊行敷

贊遺風若乃揚孔氏褒貶之文舉周公懲勸之法徵於誅

謚則有司存謹狀

貞元十五年三集作正月日故銀青光祿大夫右散騎常侍

輕車都尉宜城縣開國伯柳公孫將仕郎守集賢殿正字

元謹上後有尚書考功狀英華元編在八百四十一卷謚議門

文苑英華 卷九百七十五

行狀六

行狀

檢校尚書左僕射中書門下平章事兼汴州刺史董

公晉行狀一首

檢校禮部尚書東海公徐申行狀一首

尚書吏部侍郎韓愈行狀一首

鞏縣令白府君行狀一首

襄州別駕白府君行狀一首

金紫光祿大夫檢校尚書左僕射同中書門下平

章事兼汴州刺史克宣武節度副大使知節度事

管內度支營田汴宋毫穎等州觀察處置等使上

柱國隴西郡開國公贈太傅董公晉行狀

曾祖仁琬皇任梁州博士祖大禮皇贈右散騎常侍父柏
 良皇贈尚書左僕射公諱晉字混成河中虞鄉萬歲里人
 少以明經上第宣皇帝居原州公在原州宰相以公善為
 文任翰林之選集有既以二字聞召見拜秘書省校書郎入翰林
 為學士三年出入左右天子以為謹愿賜緋魚袋累昇為
 衛尉寺丞出翰林以疾辭拜汾州司馬崔圓為揚州詔以
 公為圓節度判官攝殿中侍御史以軍事如京師天子識
 之拜殿中侍御史內供奉由殿中為侍御史入尚書省為
 主客員外郎由主客為祠部郎中先皇帝時兵部侍郎李
 勣如迴紇立可敦詔兼侍御史賜紫金魚袋為涇州官
 總之人來曰唐之復土疆取迴紇之力焉約我為市
 馬馬既入而歸我賄不足我於使人乎取之亟懼不敢對
 視公公與之言曰我之復土疆爾信有力焉吾非無馬而
 與爾為市為爾賜不既多乎爾之馬歲五至集有吾字數皮而
 歸資邊吏請致詰也天子念爾有勞集有故字下詔禁侵犯諸
 戎畏我大國之爾與也莫敢校焉爾之父子寧而畜馬蕃
 者非我誰使之於是其眾皆環公拜既又相率南向序拜
 皆兩舉手曰不敢復有意於大國自迴紇歸拜同勳郎中
 未嘗言迴紇之事遷秘書少監歷太府太常二寺亞卿為
 左金吾衛將軍今上即位以大行皇帝山陵出財賦拜太
 府卿由太府為左散騎常侍兼御史中丞知臺事三司使

選擢才俊有威風始公為金吾始集作未盡一月拜太府由

太府集無此三字九日又為中丞朝夕入議事於是宰相請以

公為華州刺史潼關防禦鎮國軍使朱泚之亂加御史大

夫詔至于上所又拜國子監祭酒兼御史大夫宣慰恒州

於是朱滔自范陽以廻紇之師助亂人集作心字大恐公既出

至恒州即日奉詔出兵與滔戰大破走之還至河中李懷

光反上如梁州懷光所率皆朔方兵公知其謀與朱泚合

也患之造懷光言曰公之功天下無與敵公之過未有聞

於人某至上所言公之情上寬明將無不赦宥焉乃能為

朱泚之臣乎彼為臣而背其君苟能集作得志於公何有且

公既為太尉矣彼雖寵公何以加此彼不能事君能以臣

事公乎公能事彼而不能事君乎彼知天下之意朝

戮死者也故求其同罪而與之比公何所利焉公之敵彼

有餘力不如明告之絕而起兵襲取之清宮而迎天子廢

人服而請罪有司雖有大過猶將掩焉如公則雖敢議請

已懷光拜曰天賜公活懷光之命喜且泣公亦泣則又語

於其將卒如語懷光者將卒呼曰天賜公活吾三軍之命

拜且泣公亦泣故懷光卒不與朱泚當是時懷光幾不反

公氣仁語若不能出口及當事乃更踈亮捷給其詞忠其

容貌温然故有言於人無不信集作之字明年上復京師拜左

金吾衛大將軍由大金吾為尚書左丞又為太常卿由太

常拜門下侍郎平章事在宰相位凡五年所奏於上前者

皆二帝三王之道由秦漢已降未嘗言退歸未嘗言所言
 於上者於人子弟有私問者公曰宰相所職繫天下天下
 安危宰相之能與否可見欲知宰相之能與否如此視之
 其可凡所謀議於上前者不足道也故其事卒不聞以疾
 病辭於上前者不記集作已退以表辭者八方許之拜禮部
 尚書制曰事上盡大臣之節又曰一心奉公於是天下知
 公之有言於上也初公為宰相時五月朔會朝天子在位
 公卿百執事在庭侍中贊百僚賀中書侍郎平章事實參
 攝中書令當傳詔詞疾作不能事凡將大臣朝會當事者
 既受命皆先日習儀于時未有詔公卿相顧公逡巡進北
 面言曰攝中書令臣某病不能事臣請代某事於是南面

禮部詔詞已復位進退甚詳為禮部四年拜兵部尚書入

謝遷上語問問字集日晏復有入謝者上喜曰董某入疾

且損矣出語人曰董公且復相既二日拜東都留守判東

郡尚書省事充東都畿汝蜀本有都防禦使兼御史大夫

仍為兵部尚書由留守未盡五月拜檢校尚書左僕射同

中書門下平章事汴州刺史宣武軍節度副大使知節度

事管内度支營田汴宋毫穎等州觀察處置等使汴州自

大曆來多兵事劉玄佐益其師至十萬人表本無玄佐死

子仕寧代之畋遊無度其將李萬榮乘其畋也逐之萬榮

為節度一年其將韓惟清張彥林作亂求殺萬榮不克三

年萬榮病風昏不知事其子廵復欲為士寧之故監軍使

俱文珍與其將鄧惟恭執之歸京師而萬榮死詔未至惟
恭權軍事公既受命遂行劉宗經韋弘景韓愈實從不以
兵衛及鄭州逆者不至鄭州人爲公懼或勸公止以待有
自汴州出者言於公曰不可入公不對遂行宿圃田明日
食中矣逆者至宿八角明日惟恭與表文作及諸將至遂逆以
入及郭三軍緣道謹聲庶人壯者呼老者泣婦人啼遂入
以居初玄佐死吳湊代之及鞏聞亂歸仕寧萬榮皆自爲
之而後命軍士將以爲常故惟恭亦有志以公之速也不
及謀遂出逆旣而私其人觀公之所爲以告曰公無爲惟
恭喜知公之無害已也委心焉進見公者退皆曰公仁人

也聞公言者皆曰公仁人也環以相告故大和蜀本有

也張亂又加厚以懷之至于惟恭每加厚焉故士集有卒驕

不能禦則置腹心之士幕於公庭廡下挾弓執劍以須日

出而入前者去日入而出後者至寒暑時至則加勞賜酒

肉公至之時時字集作明日皆罷之貞元十二年七月也八月上

命汝州刺史陸長源爲御史大夫行軍司馬楊凝自左司

郎中爲檢校吏部郎中觀察判官杜倫自前殿中侍御史

爲檢校工部員外郎節度判官孟叔度自殿中侍御史爲

檢校金部員外郎支度營田判官職事修人變蜀本作俗表本作民

化嘉木生白鵲集蒼鳥集作鳥來巢嘉瓜同蒂聯實四方至

者歸以告其帥小大咸懷有所疑輒使來問有交惡者公

與平之累請朝不許及有疾又請之且曰人心易動軍旅多虞及臣之生計不先定至於集作他日事或難期猶不

許十五年二月三日薨於位上三日罷朝贈太傅使吏部

員外郎楊於陵來祭弔其子贈布帛米有加公之將薨也

命其子三日歛既歛而行於行之四日汴州亂表本有君故字

子以公為知人公之薨也汴州人歌之曰濁流洋洋有闢

其邪閭道謹呼公來之初今公之歸公在喪車又歌曰公

既來止東人以定今公歿矣人集作誰與安始公為華州

亦有惠愛人思之公居處恭無妾媵不飲酒不諂笑好惡

無所偏與人交泊如也未嘗言有問者曰吾志於教化事

年七十六階累升為金紫光祿大夫勳累升為上柱國爵

夫人皆先公終公四子全道唐書作全素按表本蜀

全溪系表及韓愈作董溪墓誌溪全素全漸下同按唐世辭並無全字蓋全道按表本蜀素皆上所賜名全道為秘書著作按表本蜀全道按表本蜀

素為大理評事解為大常寺大祝皆善士有學行謹具歷

官行事狀伏請葉考功并牒大常議所謚牒史館請垂編

錄謹狀集作伏上

貞元十五年五月十八日故吏前汴毫穎等州觀察推官

將仕郎試秘書省校書郎韓愈狀

金紫光祿大夫檢校禮部尚書使持節都督廣州

諸軍兼廣州刺史兼御史大夫充嶺南節度營田

使

文苑英華 卷一百一十一

觀察制置本管經畧等使東海郡開國公食邑二

千戶徐公行狀

李翱

會祖仁徹隋吉州太和縣丞祖玄之皇考功員外郎贈吏部郎中諫議大夫考又皇汾州司戶叅軍贈信州刺史京兆府萬年縣青蓋鄉交原里東海徐公年七十公諱申字維降東海郊人永泰元年寄籍京兆府舉進士得祕書省正字初辟廵官于江西又掌書記于嶺南行營哥舒氏之亂平奏授大理評事轉司直兼監察御史賜緋魚袋又充節度判官于朔方改授大司議郎兼殿中侍御史選授洪州都督府長史時刺史嗣曹王舉江西兵討李希烈故以長史行刺史事任職有成曹王薦之遷韶州刺史四十餘年刺史相循居于縣城州城與公田三百頃皆爲墟縣令丞尉雜處人集作民屋公乃募百姓能以力耕公田假之牛犁粟種集作與字食所收以其半與之不假牛犁者三分與其集無此字二田久不理草根腐地增肥又連遇宜歲得粟比餘田畝盈若干凡積粟三萬斛將復築室于州故城令百工之技以其藝來者與粟有差刺史臨視給與吏無所行其私以故人皆便信應募者數千人陶人不知墁而塗有餘圻人不板築而塙有餘築人不操斤斧而工有餘陶者圻者築者工者各以其所能相易未十旬而城郭室屋建立如初刺史以官屬遷于新城縣令之下各返其室創六驛新大市二道四館器用皆具曲江縣五百人以狀請觀

察使請作碑立生祠公自陳所為不足述假令如百姓言
乃刺史職宜如此何足多者不願以小事市蜀本名觀察

使嘉其讓密以狀聞遷合州刺史其始來也韶之集有人字

僅七千凡六年遷合州及其去也倍其初之數又盈四千

戶焉初先夫人歿於江西遭賊難未克返葬寓于西原公

不赴合州表請奉喪歸柩于河南府偃師縣既滄景觀察

使奏請景州刺史河北之俗刺史闕其帥輒以寮屬將校

自為之不請者有年矣宰相累進刺史名皆不出及召公

入言合上旨遂下詔遷朝散郎使持節景州諸軍事景州

刺史充本州團練使兼御史中丞賜紫金魚袋尋加節度

副使其明年滄景節度使始朝其二年又朝遂留詔以其

從父兄代之奏公充行軍司馬公遂以信州府君塋近漕

河表求改葬於重山詔許之既徵入京師遷朝散大夫使

持節都督邕州諸軍事守邕州刺史本管經畧招討使御

史中丞賜紫如故是歲貞元十七年也詰儻盜除其暴掠

良聚攻禁下集作不如今通蠻夷道貴土貢大首領黃氏帥

其屬納質共賦黃氏周氏韋氏儂氏皆羣盜也黃氏之族

最強盤亘十數州周儂集作韋氏之不附之也率羣黃之兵

以攻之而逐諸海黃氏既至羣盜皆服於是十三部二十

九州之蠻寧息無寇害其明年制遷使持節都督廣州諸

軍事守廣州刺史兼御史大夫充嶺南節度觀察本管經

畧等使散官賜集作此字如故前節度使歿掌印吏盜授人職

百數謀夜發兵為亂事覺奔走公至陰以術得首惡殺之
不問其餘軍中以安蠻夷俗相攻劫羣聚緣道發輒捕斬
無復犯者蕃國歲求互市奇珠璫異香文犀皆浮海舶
以來賞貢是供不敢有加舶人安焉商賈以饒二十一年
進階銀青光祿大夫元和元年詔加金紫光祿大夫檢校
禮部尚書封東海郡開國公食邑二千戶餘如故詔書未
至有疾薨于位三佐藩屏之臣五為刺史一為經畧使一
為節度觀察使階累升為金紫光祿大夫爵超進為開國
公官亟遷為禮部尚書其事業皆足以傳示後嗣為子孫
法享年七十雖不極集作於於上壽儒者榮之前夫人渤海
高氏子皆早夭後夫人扶風竇氏封國夫人有子元弼前
左丞倉曹參軍以讀書屬文為業謹具歷官行事如前伏
請牒太常編錄謹狀

正議大夫行尚書吏部侍郎上柱國賜紫金魚袋

贈禮部尚書韓公行狀

前人

曾祖秦皇任曹州司馬祖濬素皇任桂州長史父仲卿皇
任祕書郎贈尚書左蜀本作在僕射公諱愈字退之昌黎某人
生三歲父歿養於兄會舍及長讀書盡能記他生之所習
年二十五上進士第汴州亂詔以舊相東都留守董平為
平章事宣武軍節度使以平汴州晉辟公以行遂入汴州
得試祕書省校書郎為觀察推官晉卒公從晉喪以出四
日而汴州亂凡從事之居者皆殺死武寧軍節度使張建

封奏為節度推官得試太常寺協律郎遷授四門博士遷
監察御史為幸臣所惡出守連州陽山縣令政有惠於
于下及公去百姓多以公之姓名集作命其子改江陵府法
曹參軍入為權知國子博士宰相有愛公者將以文學職
處公有爭先者搆公語以飛之公恐及難遂求分司東都
權知三年改真博士入省為分司都官員外郎改河南縣
令日以職分辨於畱守及尹故軍士莫敢犯禁入為職方
員外郎華州刺史奏華陽縣令柳澗有罪遂將貶之公上
疏請發御史辨曲直方可處以罪則下不受屈既柳澗有
犯公由是復為國子博士改北部郎中史館修撰轉考功
郎中修撰如故數月以考功知制誥上將平蔡州先命御
史中丞裴公度使諸軍以視兵及還奏兵可用賊勢可以
滅頗與宰相意忤既數月盜殺宰相又害中丞不克中丞
微傷馬逸以免遂為宰相以主東兵自安祿山起范陽陷
兩京河南北六七鎮節度使身死則立其子作軍士表以
請朝廷因而與之及貞元季年雖順地節將死多即軍中
取行軍副使將校以授之節習以成故矣朝廷之賢恬然
於所安以苟不用兵為貴議多與裴度相異惟公以為盜
殺宰相而遂息兵其為耻集作儒甚大兵不可以息以天下
力取三州尚何不可與裴丞相議合故兵遂用而宰相有
不便之者月蒲遷中書舍人賜緋魚袋後竟以他事改太
子右庶子元和十二年秋以兵老父屯未滅上命裴丞相

為淮西節度使以招討之丞相請公以行於是公因本

官集作此三字兼御史中丞賜三品服及魚三字集作衣魚為行軍司

馬從丞相居於鄆城公知蔡州精卒聚界上以拒官軍守

城者率老弱且不過千人亟白丞相請以兵三千人間道

以入必擒吳元濟丞相未及行而李愬自唐州文城壘提

其卒以夜入蔡州果得元濟蔡州既平布衣栢耆以計謁

公公與語竒之遂白丞相曰淮西滅王承宗膽破可不勞

用眾宜使辨士奉相公書明禍福以招之彼必服丞相然

之公令栢耆口占為丞相書集有明禍福使四字栢耆袖之以至鎮州

王承宗果大恐上表請割德棣二州以獻丞相歸京師公

遷刑部侍郎歲餘佛骨自鳳翔至傳京師諸寺集作百姓時字

若燒指與頂以祈福者公奏疏言自伏羲至周文武時皆

未有佛而年多至百歲有過之者自佛法入中國帝王事

之壽不得集作能長梁武帝事之最謹而國大亂請燒棄佛

骨疏入貶潮州刺史移表州刺史百姓有以男女為人隸

者公計備以償其直而出歸之入遷國子祭酒有直講能

說禮而陋於容學官多豪族子擯之不得共食公命吏曰

召直講來與祭酒共食學官由此不能賤直講奏儒生為

學官日使會講生徒奔走聽問皆相喜曰韓公來為祭酒

國子監不寂寞矣改兵部侍郎鎮州亂殺其帥田弘正征

之不克遂以王庭集作庭下同奏為節度使詔公往宣撫既行

眾皆危之元稹奏曰韓愈可惜穆宗亦悔有詔令至境觀

事勢無必於入公曰安有受君命而滯留自顧遂疾驅入
 庭湊嚴兵拔刀弦弓矢以逆及館甲士羅於庭公與庭湊
 監軍使三人就位既坐庭湊言曰所以紛紛者乃此士卒
 所為本非庭湊心公大聲曰天子以為尚書有將帥材故
 賜之以節實不知公共健兒語未得乃二集作大錯甲士
 前奮言曰先太史為國打朱滔滔遂敗奔集無走血衣皆
 在此軍何負朝廷乃以為賊乎公告曰兒郎等且勿語聽
 愈言愈時為兒郎已不記先太史之功與忠矣若猶記得
 乃大好且為逆與順利與病二字集不能遠引古事但以
 天寶來禍福為兒郎等明之安祿山史思明李希烈梁崇
 義朱滔朱泚吳元濟李師道復有若子若孫在乎亦有若
 官者乎衆皆曰無又曰二命公以魏博六州歸朝廷為節
 度使後至中書令父子皆授旄集作節子與孫雖在童幼
集作者以為好官窮富極貴寵榮耀天下劉悟李祐皆居
 大鎮王承元年始十七亦仗節皆三軍耳所聞也衆乃曰
 田弘正刻此軍故軍不安公曰然汝三軍亦害田令公身
 又殘其家矣復何道衆乃謹集作曰侍郎語是侍郎語是
集本不用庭湊恐衆心動遽麾衆散出因泣謂公曰侍郎
疊此句來欲令庭湊何所為公曰神策六軍之將如牛元翼比者
 不少但朝廷顧大體不可以棄之耳而尚書又圍之何也
 庭湊曰即出之公曰若真則無事矣因與之宴而歸之牛
 元翼果出及還於上前盡奏與庭湊及三軍語上大悅曰

文苑英華

卷一百七十一

七

友

卿直向伊如此道由是有意欲大用之王武俊贈太師呼
 太史者燕趙人語也轉吏部侍郎凡令史皆不鎖聽出入
 或問公公曰人所以畏鬼者以其不能見也鬼如可見則
 人不畏之矣選人不得見令史故令史勢重聽其出入則
 勢輕改京兆尹兼御史大夫特詔不就御史臺謁後不得
 引為例六軍將士皆不敢犯私相告曰是尚欲燒佛骨者
 安可忤故盜賊止遇旱米價不敢上李紳為御史中丞械
 囚送府使以尹杖杖之公曰安有此使歸其囚是時紳方
 幸宰相欲去之故以臺與府不協為請出紳為江西觀察
 使以公為兵部侍郎紳既復晉公入謝上曰卿與李紳爭
 何事公因自辨數日復為吏部侍郎長慶四年得病痛甚
 罷罷以十二月二日卒於靖安里第公氣厚性通論
 議多大體與人交始終不易凡嫁內外及交友之女無主
 者十人幼孤養於嫂鄭氏及嫂歿為之服菽集作菽服以服之
 深於文章每以為自揚雄之後作者不生集作出其所為文
 未嘗放集作效前人之言而固與之並自貞元末以至於茲
 後進之士其有志於古文者莫不視公以為法有集二十
 卷集作四小集十卷及病遂請告以罷每與交友言既終以
 處妻子之語且曰某伯兄德行高曉方藥食必視本草年
 止於四十二某疎愚食不擇禁忌集作位為侍郎年出伯
 兄十五歲矣如又不足於何而足且獲終牖下幸不至失
 大節以下見先人可謂榮矣享年五十七贈禮部尚書謹

具任官事跡如前請牒考功下大常定謚并牒史館謹狀

故鞏縣令白府君行狀 集作狀 白居易

白氏芊姓楚公族也楚熊居太子建奔鄭建之子勝居于

吳楚間號白公因氏焉楚殺白公其子奔秦代為名將乙

丙已降是也裔孫白起有大功於秦封武安君後非其罪

賜死杜郵秦氏憐之立祠廟於 集作于 咸陽至今存焉及始

皇思武安之功封其子仲于大原子孫因家焉故今為太

原人自武安已下凡二十七代至府君高祖諱建北齊五

兵尚書贈司空曾祖諱士通皇朝利州都督祖諱志善朝

散大夫尚衣奉御父諱溫朝請大夫檢校都官郎中公諱

鍾字上鍾都官郎中第六子幼好學善屬文尤工五言詩

集十卷年十七明經及第辭褐授鹿邑縣尉歷晉陵縣

尉汜水縣尉 集無此八字 洛陽主簿酸棗縣令酸棗有善政本

道節度使令狐章知而重之秩滿奏授殿中侍御史內供

奉賜緋金魚袋充滑臺 集作毫 節度叅謀軍府之要多咨度

焉居歲餘公常規章之失章不聽公因留書移章不辭而

去明年遷授河南府鞏縣令在任三考自鹿邑至鞏縣皆

以清貞靜理聞於一時公為人沉厚和易寡言多可至於

涉是非關邪正者辯而守之則確乎不可拔也大曆八年

五月三日遇疾歿於長安春秋六十有八其年權殯 集作曆

於下 集無下字非 邽縣下邑里夫人河東薛氏薛氏 集作夫人 之父

諱倣河南縣尉大曆十二年六月十九日歿於新鄭縣之

私第享年七十以其年權窆於新鄭縣臨洧里公有子五人長子諱季庚庚世系表同襄州別駕事具後狀次諱季殷徐州沛縣令次諱季軫許州許昌縣令次諱季寧河南府參軍次諱季平鄉貢進士元和六年十月八日孫居易等始發護靈輓遷塋於下邳縣集有義津鄉北原而合附此字焉謹狀

襄州別駕白府事狀

前人

公諱季庚字子申鞏縣府君之長子天寶末明經出身解褐授蕭山縣尉歷左武衛兵曹參軍宋州司戶參軍建中元年授彭城縣令時徐州為東平所管屬本道節度使反

以勝兵屯埧口絕汴河運路然後謀東窺江淮

有口城歸國反拒東平東平令集作遣驍將信都崇敬石隱

金等率勁卒二萬攻徐州徐州無兵公令吏民得千餘人

與李洧堅守城池親當矢石晝夜攻拒凡四十二日而諸

道救兵方至既而賊徒潰運路通首挫逆謀不敢東顧繇

是徐州一郡七邑及埧口等三城到于今訖不隸東平者

實李洧與公之力也德宗嘉之命公自朝散郎超授朝散

文夫自彭城令擢拜本州別駕賜緋魚袋仍充徐泗觀察

判官故其制云今徐州集無二字州將忠謀翻然仗集作効順叶

其誠美共贊國集作良圖我懸爵賞候茲而授宜加佐郡之

命仍寵殊階之序貞元初朝廷念公前功加檢校大理少

卿依前徐州別駕當道團練判官仍知州事故其制云嘗
宰彭城挈而歸國舊勳若此新寵茂如集有或字不延厚於忠

臣將何勸於義上宜從亞列再貳徐方秩滿又除檢校大
理少卿兼衢州別駕秩滿本道觀察使皇甫政以公政績

聞薦又除檢校大理少卿兼襄州別駕貞元五集作十

集作五月二十八日終於襄陽官舍享年六十有六某年權

突於襄陽縣東津鄉南原至元和六年十八日嗣子居易
等遷於下邳縣義津鄉北原從鞏縣府君宅兆而合祔焉

夫人穎川陳氏陳宜都之后祖諱璋利州刺史考諱潤坊
鄜城縣令妣太原白氏陳氏集作夫人無兄弟姊妹八歲丁鄜

城府君之憂居喪致哀王祭盡敬其情理有過成人者中
外姻族咸稱異之十五歲事舅姑服勤婦道夙夜九年迨

于奉蒸嘗睦娣姒待賓客撫家人又三集作二是十三年禮無
違者故中外凡為家集凡婦者皆景慕而儀刑焉及別駕


府君即世諸孤集作書字尚幼未就師學陳氏集作夫人親執詩書
感集作畫夜教導恂恂善誘未嘗以一呵一拊加之十年之

也為女孝如是為婦順如是為母慈如是舉三者百行可
知矣建中初以府君彭城之功封穎川縣君元和六年四

月三日歿于長安宣平里第享年五十有七其年十月八

日從先府君祔于皇姑焉有子四人長曰幼文前饒州浮
梁縣主簿次曰居易前京兆府曹叅軍翰林學士次曰行

簡前祕書省校書郎幼子金剛奴無祿早世初高祖贈司空有功於北齊詔賜莊宅各一區在同州同城縣至今存焉故自司空而下都官郎中而上皆葬於同城今以下歸不便遂改卜鞏縣府君及襄州別駕府君兩塋於下邳縣義津鄉北原其兩塋同北域而異封樹蓋從時宜且叶吉也謹狀



東坡英華卷第九百七十六

